

醫
問
四
書

藥準序

不佞領薦於鄉上公車道涉武林即知吳興有培元許先生以醫名三吳間三吳之人藉以起死者無筭種杏已成林矣然第謂名醫已爾辛巳歲游蕪潯溪

寓伯念董祠部園中伯念輒爲
余言先生少負奇工博士家言
藉甚菀林識者謂其芥拾青紫
乃數奇弗售稍以餘力窺岐黃
術輒有領會旣而試之試輒售
久之遂棄去博士家言而顯以

醫各家然猶博及二酉好古文

辭而尤精於詩詞不佞然後乃

知先生非第名醫蓋名儒也然

第耳之已爾無幾何不佞忽病

瘧董氏延先生來診治不佞因

是得識先生見其狀貌魁然器

宇淵然持已恂恂然叔度耶紫
芝耶直令人消鄙吝而忘名利
然後乃知先生又德讓君子也
先生飲上池水故有慧性且漁
獵諸醫書夙夜校讐正其譌而
發其覆先是有素問便讀等書

行世矣茲弟子復謀梓藥準其
說蓋爲本草之雜揉會諸家叅
已見而發人所未發者也寧直
是絲折醫理以扶前賢之奧朏
朏者心惟恐天下後世之迷惑
誤人故欲以是指點而生全之

耳語云上醫醫國先生直醫天
下萬世矣其心德不倍厚而功
澤不倍宏且遠哉夫古稱不朽
者三曰立德立功立言有一於
此皆足裕後先生兼之其爲不
朽不旣多乎嘗攷公之先世有

知可公者積學弗偶迺業醫以
種德後果以施藥功大而換六
作五遂身食其報焉今先生厚
抱種德不下知可矣天之嗇公
一身而弗售者必將豐報于後
而大發之胤嗣則杏林固槐庭

哉不佞雅重先生之爲人故忘
檇昧而序其梗槩若此見先生
不顯以醫名云

賜進士及第翰林院編修

經筵日講纂修

國史官溫陵九我李廷機撰

Vertical text on the left margin, possibly a page number or title fragment.



藥準卷上

明贈光祿大夫少保大學士太醫院院使秀水東山朱儒鑒定

明吳興山人培元許兆楨輯著

藥性賦引

夫藥不執方、用宜默會、投機應病、則勺水可以起沉疴、造妙通玄、雖刀圭足以延壽考、非惟愈疾、亦可頤生、斯術之傳、其來尚矣、自神農嘗百草、以濟蒼生、逮黃帝辨四方、而典素問、歷代之聖君哲輔、靡不留心、自古之孝子仁人、咸知注意、玉函金匱、無非濟世之良方、紅杏青囊、莫匪

活人之秘典。蓋以人生兩間。身緣四大。感風寒暑濕之侵蒸。或喜怒憂思之鬱結。苦樂榮瘁。悉損精神。饑飽逸勞。俱傷氣血。真元纔觸。景以中虧。邪氣卽乘。虛而外感。有生難免。具體皆然。且藥性有寒溫良毒。人稟有虛實盛衰。未達其由。豈可遽嘗。必有恒心。斯能永濟。望聞問切。須詳審於臨證之初。補瀉宣通。必嚴謹於投劑之際。先後緩急。有其序。澀滑燥濕。得其宜。則到口蠲疴。應手輒効。假如心胸飽滿。服蘿蔔而寬舒。肚腹脹膨。飲牽牛而快利。麻黃發散。入腸胃則汗

流瓜蒂宣通下咽喉而涎湧藥無不効用當極
靈試嚼烏梅齒遽酸而津液纔吹皂角鼻立嚏
以氣通啖荆芥則淚垂嚼花椒而氣閉龜尿解
噤鼠骨生牙磁石引針琥珀拾芥鸞膠續劍獺
膽分杯血投藕而不凝漆得蟹而自散葱汁可
熬桂作水蟾膏能軟玉如泥凡物性各有不同
在智者隨宜取用畧舉數端證驗以明一切殊
功誠能識性知機用若通靈入聖是以扁鵲華
陀各展驚人技稚川思邈咸垂救世之慈每
用單行或時兼使以爲一物專攻則氣純而功

速數般相制。則味襍而效遲。惟相須佐使者配。合則併力以收功。若相反畏忌者交參。必爭離而播毒。當瘳轉劇。貽患匪眇。與其不能研精灼見。孰若但從簡要易知。抑且省其冗繁。况復便於倉卒。然藥之真僞。休戚所關。方之臧否。安危是繫。必合精詳有據。豈宜滅裂無宗。須哀衆善之長。庶或萬全之效。取其易捷。不特便於旅途。拔其精華。實有利於人。已援諸例以分門。比諸類而列款。舉冊可以對證求方。療疾更宜隨時用藥。雖同一證。詳其新久重輕。必按諸方。慎擇

剛柔緊慢。如纏膚腠。但用輕清。若固膏肓。必施
瞑眩。况風土有寒涼之異。氣稟有厚薄之殊。貴
人富室。治亦異乎貧窮。處子尼孀。療難同於妻
妾。要在知之審而見之明。尤必製之精而用之
當。炮熬煑炙。雷公論之甚詳。表裏陰陽。岐伯言
之至備。蓋以四方之廣。兆民之衆。札瘥時行。非
醫莫療。今予擇諸方藥。類爲一帙。以備仁人之
檢用。蓋施藥不如施方意也。謹錄五臟六腑病
情藥性於左。

心

心乃手少陰之經多氣少血丁火之臟君主之

官神明出焉其旺於夏為生之本也內合脈而

外榮乎色味喜苦而志在乎笑髮乃血苗汗為

心液開竅於舌脈在左寸是心也實則熱而虛

則寒守真云心本熱虛則寒靜則安而動則躁虛寒者怯

怕多驚健忘恍惚清便自呵診必濡細虛遲實

熱者顛狂讖語腮赤舌乾二腑澀黃脈須數洪

沉實心盛則舌見乎標心虛則熱攻於內心盛則口

舌生瘡乾裂腫痛心虛則煩熱也虛則補其母實則瀉其子虛

實既知補瀉必當味甘瀉而補之以鹹氣熱補

而瀉之以冷。心陽不足。桂心代赭。紫石英。補須

參附。離火有餘。竹葉大黃。山梔子。瀉用芩連。壯

心者。人參。琥珀。鎮心者。金箔。硃砂。舌長過寸。研

冰片敷之。即收。舌衄如泉。炒槐花。糝之立止。除

瘡落菌。犀角膏。性犀尖真琥珀辰砂各一錢。人參茯神酸棗仁各二錢。腦子一

字為末。煉蜜丸。彈子大。每一丸。麥冬湯化。服。日進五次。治咽喉口舌生瘡。菌甚効。與通

聖散。方見方紀。後做此。定志寧神。安神丸。與補心丹。人參

丹。參。玄參。白茯苓。遠志。肉桂。梗各五錢。五味。歸身。麥冬。天門。去心。柏子仁。酸棗仁。各一兩。生地。黃

四兩。煉蜜丸。服。蔓荊子。涼諸經之血。草連翹。瀉。二三錢。白湯下。

六經之火。驚悸不安。須龍齒。沙參。小草。健忘失

記必茯神遠志當歸多睡兮煑盧仝之苦茶不

眠兮炒雷公之酸棗涼血補陰生地黃行津止

渴天花粉文蛤末調同藍汁敷愈口瘡百草霜

少和鹽花噙消舌腫中風不語竹瀝薑汁開之

更良感熱多言犀角硃砂涼之又善胸間痞痛

寬之枳實瓜蒌心内懊懣治之豆豉梔子心熱

痛炒川練苜蒲梔子宜焦冷心痛用木香肉桂

玄胡必擣心驚盜汗末白木與辰砂一男子因驚恐自汗

無度倦怠困弱服麻黃根黃芪牡礪不效丹溪曰汗為心液以白木一兩辰砂半兩每一錢茯

神麥冬湯鼻衄流紅煎黃芩併芍藥驚熱獨妙

調服愈

真珠顛狂惟佳鐵粉鐵拍作片置醋糟中積安

鎮靈臺琥珀丹砂和玉屑開清神府茯神遠志

共菖蒲病在心詳藥須心悟

小腸

小腸乃手太陽之經多血少氣丙火之腑受盛

之官化物出焉合心臟而長三丈二尺曲十六

而廣二寸有四泌清別濁各歸前後水液入膀胱滓穢入

大腸候在人中脉詳左寸與心同位輕診而得是

小腸也病則水穀不利溲短溺紅耳前熱苦寒

腰似折頤腫實則脉實煩滿而口糜生瘡虛則

虛懷而唇青下迫氣涼補而瀉温味辛瀉

而酸補小便頻而美縮泉烏藥益智等為末酒

每七十丸精不固而嘉威喜白茯苓四兩一塊

鹽酒下煮二十餘沸去猪苓晒為末用黃臘四兩溶化

丸彈子大每一丸空心細嚼津嚥下小便清為

度忌智神遠志能清濁遠志用甘草煮去心半

酸味麵糊丸梧子大每五龍益石蓮果澁精龍骨益

十七臨臥棗湯下等為末每二錢小腸氣痛牽引控掣茴香薑浸

空心米飲下入青鹽茴香一斤老薑二斤取汁浸一夜約薑

子大食前酒汁盡入青鹽二兩少川練炒成加木破川練子肉一斤

下三十九丸巴戟鹽各一兩茴香一合同炒黃去巴豆加木

香不見火破故紙炒黃各一兩酒糊丸梧子大

每五十九丸。鹽湯日進三兩服。滑石寒而治諸淋。沉香溫而行

諸氣。尿血。煮苦蕒菜根。血淋。烹車前子。葉生地

汁。搗飲。髮灰。薄荷。腦。煎調琥珀。熬入小腸為赤

帶。梔。芩。續。斷。當。歸。邪。歸。大。腑。變。膏。淋。通。澤。金。砂

甘草。自朝至暮。思經義。借滋腎丸。黃栢知母各一兩。肉桂五

分。水。丸。梧。子。大。果。痊。欲。死。之。癰。考。古。驗。今。得。論

詳用三白散。白牽牛二兩。桑白皮。白木。陳皮。木通各半兩。每末二錢。空心姜湯調

服。幸。濟。將。危。之。秘。升。坎。水。以。沃。心。陽。降。離。火。而

溫腎水。

肝

肝乃足厥陰之經。多血少氣。乙木之臟。將軍之官。謀慮出焉。氣旺於春。乃罷極之本也。其味酸。而其色青。其聲呼。而其志怒。內藏魂而藏血。外榮爪而榮筋。淚出於肝。候在於肋。開竅於目。脉在左關。是肝也。實則脉實。兩脇痛而目自腫疼。虛則脉虛。七葉虛而汪汪昏淚。資腎水以補肝。虛抑陽光而瀉本質。故味辛補而瀉酸。氣涼瀉而溫補。薑橘細辛補之宜。芍芍大黃瀉之可。目勝離婁。君神變而佐砂磁。丹砂之畏磁石。猶火之畏水。砂法火入心。磁法水入腎。各得其養。則目自然明。蓋目疾多緣脾胃有痰飲。漬浸於肝。久則昏眩。神變健脾。

胃消痰飲極有效。用四兩。辰砂一兩。水飛。磁石

二兩。醋煨。滓七次。為極細末。煉蜜丸。梧子大。每

日三服。或加夜明沙。手開瞽。搗羊肝以丸連

决。黃連决。明子各末一兩。白羊肝一具。去膜。搗

疾瘴翳。青盲皆。治。忌。猪肉冷水。氣疼兩脇。瀉青龍膏。小柴胡痰

攻雙臂。二陳。二朮。香蘇散。右助脹痛。桂甘枳殼

共薑黃。左肋刺疼。粉草。芍芎。和枳實。悲怒傷肝

胸膈滿。細辛。桔梗。防甘。芎葛。棗薑煎。風寒撼木

子囊疼。茴香。烏藥。青橘。良薑。調酒飲。疝本。肝經

何藥可療。附子。山梔。看時令迭為佐使。水煎服。力最高。全蝎

玄胡功不小。玄胡索鹽炒五錢。全蝎去毒一上錢為末。温酒調服。一錢立效。

錢為末。温酒調服。一錢立效。

錢為末。温酒調服。一錢立效。

燥下寒梅膏搗圓歸鹿

思濟曰。治精血枯竭而色黧黑耳聾目暗口乾

多渴。腰痛脚軟。小便白濁。此上燥下寒也。用鹿茸酒蒸當歸酒浸等分爲末。煮烏梅膏爲丸。空

飲下。頭疼氣厥烏藥末入川芎寒濕脚踏熱椒

囊風熱膝疼煎二妙推行動若盤珠毋使刻舟

求劍

膽

膽爲足少陽之經少血多氣甲木之腑中正之

官決斷出焉附肝葉而藏汁三合候咽門而著

象多青開竅隨肝左關脉候是膽也病則善太

息嘔宿汁肩傾口苦恐如人捕實則脉實而耳

聾脇痛寒熱。小柴胡湯瀉之最良。虛則脉虛而

精神煩擾不眠。温膽湯補之。却喜服陰養火全

心氣。扶神四倍沉香。安鎮驚癇壯膽神。鉛汞炒

加硃乳。黑鉛一兩五錢。入銚內慢火煇。納水銀

末。次下硃砂二兩。柳木棍搗烈火炒枯。候冷研極細

每。一丸空心井花水下。得睡切莫驚動。覺來即

安。再一丸。膈壅咽喉腫痛。每收破毒之功。盆硝四兩

嘴微炒。生甘草青黛飛各八錢。馬勃三錢。蒲黃

半兩。腦子射香各一錢。同研極細。每用一錢新

汲水半盞。調勻細呷。若諸般膽虛睡臥憂忡。

累仗人參之力。人參枳殼五味桂心各三分。栝

菊茯苓神枸杞子各三清熱寬咽薄荷砂甘芎

錢每二錢温酒調服。

子得効方薄荷煎用薄荷一觔取頭末二兩五錢川芎甘草砂仁各取末二錢五分腦子五

分煉蜜和成劑任意嚼咽無時怔心怖膽人參酸棗乳辰砂人參

棗仁各一兩辰砂半兩乳香二錢煉蜜丸彈子大每服一九薄荷湯化下驚神昏亂

記學士之良友驚氣九治憂驚積氣受風邪發則牙關緊急涎潮昏塞醒則精

神若癡附子南木香白僵蚕花蛇橘紅胆南星天麻麻黃各半兩紫蘇子一兩乾蝎硃砂各一

分腦射少許同研極細煉蜜丸龍眼大風引癩金銀箔為衣每服一九薄荷湯送下

生修真人之秘散千金紫石英散紫石英滑石石膏凝水石白石脂赤石脂

各六兩甘草桂心牡蠣各五兩大黃龍骨乾姜各四兩共為粗末每用取三指撮新汲水三升

煮一升頓服膽虛寒而不眠炒酸棗調煎竹葉膽實

熟而多睡生酸棗末和薑茶藥生熟治尚不同

劑多寡安容不異。取輕重必操乎權衡。成方圓難捨乎規矩。

脾

脾。迺足太陰之經。少血多氣。已土之臟。倉廩之官。五味出焉。其華在唇。四白。其氣通土。四季。其味甘。而其色黃。其聲歌。而其志思。內藏意。而主四肢。外合肉。而統五臟。涎爲脾液。噦爲脾病。開竅於口。脈在右關。是脾也。實則飲食消。而肌肉滑澤。衆體皆春。虛則身體瘦。而面色痿黃。四肢不舉。臍凸。肢浮。生之難。口青唇黑。死之易。去病

安生理宜調攝。戒滿意之食。省爽口之味。因飲食勞倦之災。定溫多辛少之劑。飲食審寒熱之傷。湯藥兼補瀉之制。氣別寒熱。溫涼味必甘補。苦瀉。如白朮健脾。消食必山查神麩枳實人參。緩土和氣。須半夏橘紅茯苓蒼朮除濕中之熱。佐之柴胡升麻黃芪去有汗之火。輔之芍藥地骨氣。虛嘔而人參吳茱萸。寒吐而丁香半夏。泄瀉手足冷而不渴兮。理中湯。再加附子。吐瀉渴欲飲而身熱兮。胃苓湯。更入柴苓。香附微寒。與縮砂仁消食化氣。且妙安胎。沉香少溫。共白豆

蔻順氣寬中兼消脹腫破血消癥兮三稜蓬朮
去血除疼兮蒲黃五靈茴香除霍亂轉筋共濟
藿香木瓜烏藥辣桂主中焦氣滯相扶厚朴枳

殼生薑心腹疴痛脹悶欲絕玄胡散入胡椒良

薑炒同香附補中益氣湯飢飽勞役必以為主

木香檳榔丸木香檳榔莪朮青皮陳皮枳殼黃連黃芩大黃各半兩牽牛香附各

二兩水丸梧子大每五六十九丸姜湯下裏急後重用以通便大抵

物滯氣傷補益須兼乎消導食多胃壅推陳并

貴乎和中大黃誠蕩滌之才巴豆果推逐之劑

用宜消息行當仔細抑又聞天食人以五氣地

食人以五味五氣入鼻藏於心肺五味入口藏於脾胃五氣得之而和五神因之而著氣壯神生形全德備倘飲食以傷和務按法而調理

胃

胃乃足陽明之經多血多氣戊土之腑長一尺六寸大一尺五寸容受水穀又號倉庫候在口唇脉右關部胃氣平調五臟安堵是胃也實則脉實唇口乾而腋下腫疼宜瀉胃土虛則脉虛腹痛鳴而面目虛浮藥行溫補驗實熱兮則口內壅乾宜瀉黃散若腹滿便實則調胃承氣相

宜審虛寒。今必吐瀉不食，須益黃散。

陳皮一兩 訶子肉青

皮甘草各半兩，丁香二錢，為末煎服二錢。

如四肢厥冷，則附子理中

最勝。橘皮、竹筍、胃熱渴而頻頻嘔噦，烏藥、沉香

胃寒痛而日日攢眉，揀人參、治翻胃之良。白豆

蔻、消積氣之冷。粥藥不停，藿葉、丁香、橘半、心脾

刺痛、木香、香附、砂、陳、胃冷生痰、半夏、薑、煎、參、與

附中寒、停水、麴、丸、蒼木、與、陳皮、枳木、能消痞、丸

共香砂、石膏、止消渴、煎同知草、硫、汞、結成砂子、

胃反立痊。

用水銀五錢，生硫黃一兩，入麻油，銚

炒枯，候冷，研細，粽尖杵丸，菜豆大，每三五丸，姜橘湯下。

參朮煎用棗薑酸

咽卽可。霍亂轉筋肢逆冷。木瓜鹽炒。吳茱萸。食

癥酒癖脇胸疼。蓬木。芫稜。同醋煮。

京稜蓬木各四兩芫花一

兩米醋五升。浸入磁罐內。泥封罐口。煨乾。取出稜木。將芫花以餘醋炒焙為末。醋糊丸。黍豆大。

每服十五丸。生薑湯下。當知胃為水穀之海。脾為消化之

器。安穀則昌。絕穀則亡。水去榮散。穀消衛亡。榮

散衛亡。神無所依。水入於經。其血乃成。穀入於

胃。脉道乃行。故血不可不養。衛不可不溫。血溫

衛和。榮衛通行。天命常存。表嘉言景仰乎先哲。

作法度救報乎後人。

肺

肺乃手太陰之經。少血多氣。辛金之臟。相傳之官。治節出焉。其旺於秋。爲氣之本也。其味辛。而其色白。其聲哭。而其志憂。內藏魄。而外養皮毛。上榮肩。而中生液涕。開竅於鼻。脉在右寸。是肺也。實則脉實。上熱氣粗。兼鼻塞瀉。必辛涼。虛則脉虛。少氣不足。息低微。補須酸熱。陳皮黃芩。下痰氣之神方。神麴橘薑。去氣嗽之聖藥。七情鬱結。因而喘。沉香烏藥參攢。胸痞滿急。徹背痛。半夏瓜蒌枳桔。鼻塞不通。噙薄荷澄茄荊芥。鼻淵不止。末龍腦蒼芷辛夷。百蕊百花膏。却去痰紅。

百合款花百部紫苑煎膏或等分蜜丸嚙化二冬二母散偏除熱嗽

黃連赤茯苓阿膠抑心火而清肺臟訶子杏仁通

草利久嗽以出喉音注流疼痛因痰飲汁薑瀝

竹輔乎干緝痒麻癩疹為風熱荆防附于敗毒

哮喘作止年深癸苓蟬脫杏除尖砒霜少入味

各二兩砒一錢對明礬煨枯棗肉搗丸芥熱壅

子大毋七九臨臥冷茶下忌食熱物半日且咽嗑時發鷄蘇荆芥膝防參甘桔倍加消酒瘡

捺輕粉硫黃去鼻痔塞白礬甘遂甜葶藶研治

肺癰苦桔梗煎除肺痿似華蓋而本清象乾金

而生水

大腸

大腸乃手陽明之經。多血多氣。庚金之府。傳道之官。變化出焉。合肺臟而長二丈之一。廣四寸而曲十六之迴。候在鼻孔。脉詳右寸。是大腸也。實則脉實。傷熱而腸滿不通。虛則脉虛。傷寒而腸鳴泄痛。辛温可瀉。補必酸涼。蒸黃連。烏梅。葛花而解酒毒。炒黃芩。槐角。管仲而止便紅。腸風佐升麻。荆芥。臟毒。臣卷栢。黃芪。痢疾腹疼。大法宜下。輕則六神丸。陳皮。枳殼。麥芽。茯苓。木香。黃連。等分。神曲。和丸。梧子。大。每五十九丸。紅甘草湯。白。生薑湯下。宜調則調。久則百中散。櫻栗殼。三觔。去

筋蒂。用生薑自然汁淹一宿。炙姜汁。可止則止。盡為末。每服二錢。空心米飲下。

潤腸通便麻仁丸。麻仁去壳。大黃紙裹各三兩。人參七錢五分。當歸一兩。煉

蜜丸。梧子大。每三十九。熱湯送下。果有神功。行滯推堅。六磨湯。

沉香木香。檳榔烏藥枳壳。豈無奇驗。痔瘡熱痛。大黃等分。用熱湯磨服。

腦麝研傳蝸牛。熊膽磨敷井水。腸内生癰。返寇

湯。赤芍木通何首烏白芷枳壳。而加減隨宜。香烏藥當歸甘草水酒煎服。

十宣散。人參黃芪當歸甘草白芷川芎桔梗各一錢。厚朴姜製五分。防風肉桂各三分。

煎而去增適可。驗寒熱而用溫涼。審虛實而施

補瀉。

腎

腎乃足少陰之經。少血多氣。癸水之臟。作強之官。伎巧出焉。其旺於冬。主蟄封藏之本也。其味鹹。而其色黑。其聲呻。而其志恐。內藏精而藏志。外榮骨而榮髮。其候在腰。其液爲唾。開竅於二陰。都脈在左尺。是腎也。對命門。一而爲二。左爲腎。男子以藏精。右命門。女子以繫胞。原氣之根。精神之舍。受病同歸於膀胱。診候兩分於水火。腎無實邪。火盛則脈實。小腹脹滿。而腰背急強。便黃舌燥者。八正散可以推廣。腎本虛。精氣奪。則脈虛。氣寒陰痿。而言音混濁。脛弱脈代者。從

容散

茯苓白朮巴戟麥冬天門茯苓甘草牛膝五味杜仲各八錢車前子乾薑各五錢生

地半斤共為末食前酒服口三服宜加討尋腎氣不和腰脇痛

散號異吞

石蓮肉陳皮青皮各五分蓬朮三稜益智甘草各三錢厚朴一錢姜棗鹽

一捻煎服陽經鬱滯背肩疼湯名通氣

羌活獨活各錢半藁

本防風甘草各一錢蔓荊子川芎各二錢水煎食遠服如身重腰沉沉然經中有寒濕也加防

巴附子腰疼散八角茴香精洩木一升韭子氣

滯腰疼堪順氣

人參川芎桔梗白朮白芷陳皮枳壳麻黃節烏藥白薑甘草五

加皮各一錢血凝臂痛可舒經當歸海桐皮白

木各錢半羌活甘草各一錢水煎服五味能交心腎須茯神遠

志當歸山藥茯苓枸杞鹿茸安養精神必益智

茴香故紙龍骨牛膝黃芪地黃補腎益陰加當
歸而補髓附子驅寒去濕倍人參而壯陽虎骨
治骨虛酸痛猪腎濟腎弱腰虧用童便二盞無
灰酒一盞猪腰
子一對新確貯之泥封慢火養熟乾坤立而易
五更初飲酒食腰病篤者一月効

膀胱

膀胱乃足太陽之經多血少氣名玉海而津液
藏號州都而氣化出重九兩二銖而廣九寸量
九升九合而器堪容候在耳中脉居左尺是膀
胱也實則脉實病轉胞不得小便苦煩滿難於

俛仰藥用山梔引子偏宜。石膏八錢。梔子八錢。茯苓知母各三錢。生地淡竹葉各一合。水二鍾。煎一鍾。入蜜。虛則脉

一合者。二沸。食前服。不利。加芒硝三錢。虛則脉

虛。腰背難利。屈伸。脚膝不能移。履湯投當歸。拈

痛必効。大腑熱。蒸腸內澁。木通。生地黃。芩。小便

不利。莖中疼。葶藶。茯苓。通草。腎大如斗。青皮。荔

核。小茴香。胞轉如塞。葵子。滑石。寒水石。冷熱熨

可利便難。千金方治大小便秘。寒不通。或淋瀝。溺血。陰中疼痛。此是熱氣所致。用冷屈伸導

熱熨法。劑以冷物熨小腹。幾次。以熱物。屈伸導

能和腰痛。導引法。正東坐。收手抱心。一人於前。據脚其兩膝。一人後捧其頭。徐牽令

偃臥。頭倒。三起。風熱相承。囊腫。服三白散而立

三臥。久久便瘥。

痊蟲蟻吹着陰脬浴蟬退湯而卽散。治病執方須達要旨。苦寒平升甘辛平降。高者宜抑。下者宜舉。求巧必事乎公。輸求聰當宗乎師曠。

命門

命門乃手厥陰之經。卽人之右腎也。屬火而多血少氣。配水而藏精藏血。相火之源。天地之始。主三焦元氣。爲性命根蒂。故人之有生。腎與命門先具有命門。然後生心有心。然後生肺。先生勝也。各有次序。五臟皆一。惟腎有二。雖有左右水火之分。終無小大彼此之異。故腎與命門相

合命門與腎相對。治療無異于腎經。診候當憑乎右尺。相火上炎。其脉則實。如消渴欲狂。耳鳴如簧。夢遺精濁。淋瀝便黃者。須六味地黃丸。壯水之主。以制陽光。真火衰微。其脉則虛。若四肢厥冷。腰脊酸疲。食少盜汗。腹脹陰痿者。宜八味地黃丸。益火之源。以消陰翳。

三焦

三焦乃手少陽之經。少血多氣。亦屬相火。上合手心主。下合右腎命門。主持諸經。經歷五臟。具無形而有用。行氣血而不停。官司決瀆。水道出

焉。竅寄於耳。脉在右尺。是三焦也。虛實驗其寒。熱補瀉。分其臟腑。實則上結於心。虛則引氣於肺。上實熱。須瀉心陽。上虛寒。宜補肺氣。瀉脾土。以去中焦之熱。補胃火。以濟中焦之寒。下熱瀉肝。下寒補腎。引數者爲證驗。在君子而擴充。

用藥須辨君臣佐使逆從反正論

君爲主。臣爲輔。佐爲助。使爲用。置方之原也。逆則攻。從則順。反則異。正則宜。治病之法也。必熱必寒。必散必收者。君之主也。不宣不明。不授不行者。臣之輔也。能受能令。能合能分者。佐之助。

也。或擊或發，或劫或開者，使之用也。破寒必熱，逐熱必寒，去燥必濡，除濕必泄者，逆則攻也。治驚須平，治損須溫，治留須收，治堅須潰者，從則順也。熱病用寒藥而導寒，攻熱者必熱。陽明病發熱，大便鞭者，大承氣湯酒製大黃熱服之類也。寒病用熱藥而導熱，祛寒者必寒。少陰病下利，服附子乾薑不止者，白通湯加人尿豬膽之類也。塞病用通藥而導通，除塞者必塞。胸滿煩驚，小便不利者，柴胡加龍骨牡蠣湯之類也。通病用塞藥而導塞，止通者必通。太陽中風下利。

心下痞鞭者，十棗湯之類也。反則異也。治遠以大治，近以小治，主以緩，治客以急，正則宜也。至真要論曰：辛甘發散爲陽，酸苦涌泄爲陰，鹹味涌泄爲陰，淡味滲泄爲陽，六者或收或散，或緩或急，或燥或潤，或與或堅，以所利而行之，調其氣，使其平，故味之薄者爲陰中之陽，味薄則通，酸苦鹹平是也，氣之厚者爲陽中之陽，氣厚則發熱，辛甘溫熱是也，氣之薄者爲陽中之陰，氣薄則發泄，辛甘淡平涼寒是也，味之厚者爲陰中之陰，味厚則泄，酸苦鹹氣寒是也，易曰：同聲

相應同氣相求水流濕火就燥雲從龍風從虎
聖人作而萬物覩本乎天者親上本乎地者親
下則各從其類也

用藥須當別證論

槩聞治適病者易治失病者難今工者盡難而
易者偶中非若淳于長沙之見隔世不爽錙銖
而投治如合符節也雖先聖立教詳明而陰陽
虛實元會運氣七情六淫四時寒暑錯互不齊
况臟腑有合起之病而感受無偏至之形千端
萬緒寧能悉諸簡編卽載籍極博尤必先夫靈

敏善乎丹溪有曰醫者臨機應變如對敵之將
操舟之工自非隨時取中寧無愧乎按前人已
成之跡應今人無限之病何異按圖索驥幸其
偶中也難矣太無曰用古法治今病如拆舊屋
改新屋不再經匠氏之手其可用乎潔古云運
氣不齊古今易轍舊方新病難相附合許學士
云予讀仲景書守仲景法未嘗守仲景方乃爲
得仲景心也王履云醫術之要先尋大意大意
旣曉則條分縷析脉絡分明歷觀名論皆以別
證爲先吁症固難別別證亦未易也脉有雷同

證有疑似、水火亢制、陰陽相類、臟之發也、混乎
腑、血之變也、近于氣、大實有羸狀、悞補益劇、至
虛有盛候、反瀉含冤、或辨色已真、而診候難合、
或指下既察、而證狀未彰、欲按古合法、而功效
弗臻、欲私心處療、而狐疑莫決、展轉進退、毫厘
千里、獨不計人以死生寄我、我以嘗試圖功、彼
禍人者、無論矣、卽偶中者、詎可對衾影哉、丹溪
有叔祖年七十、患泄瀉、丹溪曰、病久而不瘳、便
澁而不赤、脉濇而帶弦、詢其喜食鯉魚、遂以吳
茱、陳皮、生薑、砂糖等藥、探吐膠痰、而瀉止、又有

隣人素患疴症。夏初泄瀉。脉濇而弦。丹溪曰。此下疴之重者。與當歸蘆薈丸去麝。四劑而瀉止。夫此兩人。證似脉同。而治之迥別者。求其本也。一人勞倦發熱。口乾煩躁。面目皆赤。東垣曰。脉來鼓指。而按之豁然。內真寒。而外假熱也。取參朮薑附煎就。使之冷服。以真熱假寒之劑治之。一貼而熱勢盡退。一人惡寒發戰。兩脉微細。按之甚數。以石膏黃連清火之劑。乘熱頓服。而寒勢遂止。此皆水火亢制。而有兼化之象。設不從服。按症治之。禍不旋踵。江右袁啓莘。平素勞心。

處事沉滯時當二氣小便不通醫者與六一散不效再用木通澤瀉茯苓車前等藥又不效診得兩寸洪數知其爲心火制金故氣化不及州都也亟用黃連茯苓神人參牛膝麥門五味一劑而愈閩中周東志形瘦善飯忽患腹痛脹悶衆皆疑其脾虛多食不能運化治以枳實陳皮青皮神麴白木茯苓脹勢轉增右寸關洪滑知其爲胃火上冲惟用石膏陳皮山梔甘草升麻黃芩二劑而脹止再用四君子加薑炒山梔十劑而康夫臟腑本不相懸而用藥若斯之異倘泥

而不通其不致天札者幾希。一婦人多鬱多產
肢體漸瘦、四肢微腫、咳嗽吐痰、稍有動作、頭眩
耳鳴、有與八珍湯者、久而無功。此肝脾鬱傷血
分、先用逍遙散、加水香、龜膠、熟地、二十劑而證
減其七、仍用八珍湯、加丹皮、香附、兩月而瘥。江
望洋之孫、年方舞象、發熱吐痰、頭眩羸弱、醫皆
以二冬、二母、四物、芩、栝治之、似瘥非瘥、倦怠異
常、診其右三部不及左者、兩倍、乃知脾肺氣虛、
火不生土之候也、遂用補中益氣、加薑、桂、至三
錢、十劑而安、四十劑而平復。夫治氣者、主陽而

升治血者、主陰而降、現症頗類、而治之之法、迥不相侔、焉可以疑似之見、賈禍耶、樂元忠妻、因免乳後、病驚身、翩翩如在浮雲中、舉目則旋轉、持身不定、四肢酸軟、皆以安神補虛治之、前證轉甚、戴原禮獨曰、左脉芤且濇、神色不變、是驚氣傷心、胞絡積血耳、乃下血如漆者、一斗、遂愈、大實似羸者、此也、留守衛陸仲容之內、病大熱、妄見鬼神、手揚足擲、或用黃連清心湯、困苦垂斃、原禮視之曰、形瘦而色不澤、乃虛極耳、專以參芪而安、至虛似盛者、此也、此兩症者、原禮不

起而反劑雜投幽潛沉沒矣。雖然難明者意難盡者言。姑舉一二。俾觸類相通。惟願志仁壽者。卽病機淺易。必審察昭昭。標本彰明。必小心翼翼。明矣慎矣。又毋以疑懼起。因循之弊。必以精詳操獨斷之權。設有未確。闕疑以待。高明慎勿輕狂。嘗試以圖僥倖。庶無負乎仁者之初心。爾不然。利心溺而名心深。機心起而仁心隱。毋乃自居于卑庸。而品節一壞。終世莫償。貽害日多。噬臍何及。可不痛切深戒哉。

用藥須窮化源論

自人心不古膠泥藥性拘惑成方而化源之義
邈乎遠矣夫不取化源而逐病求療譬猶草木
將萎枝葉蹇孳不知固其根蒂灌其本源而僅
僅潤其枝葉雖欲不槁焉可得也人第知枝葉
蹇而救枝葉者之近而切救根莖者之遠而迂
亦曾知根莖澤而枝葉靡不向榮根莖戕而枝
葉靡不受悴乎陰陽應象論曰治病必求于本
至真要論曰諸寒之而熱者取之陰熱之而寒
者取之陽所謂求其屬也六元正紀論曰資其
化源訓詁諄諄光如日月罔非重源本耳苟舍

本從標。不惟不勝治。終亦不可治。故曰識得標。只取本。治千人。無一損。如脾土虛者。必溫燥以益火之源。肝木虛者。必濡濕以壯水之主。肺金虛者。必甘緩以培土之基。心火虛者。必酸收以滋木之宰。腎水虛者。必辛潤以保金之宗。此治虛之本也。木欲實。金當平之。火欲實。水當平之。土欲實。木當平之。金欲實。火當平之。水欲實。土當平之。此治實之本也。金為火制。瀉心在保肺之先。木受金殘。平肺在補肝之先。土當木賊。損肝在益脾之先。水被土乘。清脾在滋腎之先。火

承水尅抑腎在養心之先。此治邪之本也。金太過則木不勝而金亦虛。火來爲母復仇。木太過則土不勝而木亦虛。金來爲母復仇。水太過則火不勝而水亦虛。土來爲母復仇。火太過則金不勝而火亦虛。水來爲母復仇。土太過則水不勝而土亦虛。木來爲母復仇。皆亢而承制。法當平其所復。扶其不勝。經曰無翼其勝。無贊其復。此治復之本也。得其本則生生之本不闕。而變化之源無窮。謹道如法。萬舉萬全。氣血正平。長有天命。不然者。膠藥執方。用之不疑。一旦敗傷。

動輒委命。卽以循環相制之微。靡然自失。猶爲遁詞以欺世。良足慨夫。

用藥須知病機論

古之論病。不曰病形。不曰病體。命曰病機。夫機之義微矣哉。昔者養由氏懸楊葉于旋風之間。矢無虛發。人皆異之。養由氏曰。矢之發也不離乎機。機之發也不離乎心。我方不知心之爲葉。葉之爲心。雖欲不中。胡可得也。機者毫厘之間。間不容髮。稍末之差。相懸無筭。夫以至微至活之理。非有至著至確之識。其可謂之知機耶。內

經曰。審察病機。無失氣宜。本草曰。欲療治者。先
察病機。病機未諳。豈能變化處治。徒循死句。守
株待兔。不可以爲工矣。若諸風掉眩。皆屬肝木。
諸痛瘡瘍。皆屬心火。諸濕腫滿。皆屬脾土。諸氣
臍鬱。皆屬肺金。諸寒收引。皆屬腎水。此病機之
屬於五運者也。諸暴強直。皆屬於風。諸嘔吐酸
皆屬於熱。諸躁狂越。皆屬於火。諸瘞強直。皆屬
於濕。諸澁枯槁。皆屬於燥。諸病水液。皆屬於寒。
此病機之屬於六氣者也。然運氣之道。亢極則
復。反兼勝已之化。故河間嘗曰。夏熱太甚。林木

流津火極似水也。冬寒太甚。流水冰堅。陰極似陽也。仲景曰。陽病十八。陰病十八。五臟之病各有十八。合爲九十病。又有六腑。腑有十八病。合爲一百八病。五勞七傷六極。婦人三十六病。不在其中。則病機之繁。未易枚舉。病機之變。未易測識。柰何。卑溺者。流捕風逐影。以依稀爲實據。膠柱鼓瑟。以硬套爲神良。如虛癆發熱。吐血痰嗽。輒用二冬二母四物。芩連欵花紫苑之屬。中風痿痺。輒用三生三陳秦芫天麻之屬。傷寒發熱。輒用柴胡黃芩紫蘇乾葛之屬。水腫腹脹。輒

用五皮五子枳殼澤瀉之屬瘧疾寒熱輒用青
皮草果柴胡葛根厚朴常山之屬痢疾腹痛輒
用芍藥當歸黃連木香枳殼檳榔之屬嘔吐輒
用藿香竹筴橘皮山梔生薑之屬泄瀉輒用白
朮茯苓甘草陳皮之屬小便不利輒用猪苓澤
瀉木通車前之屬精氣不固輒用蓮鬚芡實金
櫻牡礪之屬不臥輒用棗仁遠志之屬口渴輒
用花粉門冬乾葛之屬頭痛輒用川芎白芷藁
朮之屬足痛輒用木瓜苡仁牛膝之屬目疾輒
用四物三黃蔓荊甘菊之屬婦科輒用香附烏

藥四物。陳皮之屬。諸若此類。不可勝舉。果爾。則醫亦何難之有耶。夫運氣參差。標本緩急。臟腑陰陽。貴賤貧富。虛實邪正。南北東西。活若荷中之靈。實難捉摸。不知因病以用法。乃欲因法以合病。效之不獲。則曰有命。詎然乎哉。豈謂法盡可廢。必趨竒異。正恐法之可合者。十三。不可合者。十七。粗工未審。詡詡專恣。一旦告窮。伊誰之咎。嗟乎。皆由不知病機。專執病形之失也。昔者齊中尉潘滿如。小腹痛。倉公診曰。病得之酒。且內。其脉深小。弱氣口緊小。見瘕塊也。中尉不復

自止于內。二十八日。當溺血死。居二十五日。果溺血三日死。王仲宣年二十。仲景謂之曰。君有病。四十歲當眉落。眉落半年而死。服五石湯可免。仲宣嫌其言。受湯弗服。居數日。見仲宣曰。服湯否。曰。已服。仲景曰。色候固非。服湯之診。君何輕命也。後二十年。果眉落。至一百八十日而死。古稱知機其神者。庶幾其人歟。學者每以此案自反。當得愧汗通身。抑此神奇。豈別有術數之操。祇熟於理而已。理熟則機得。機得則言中。奈何不察其機。自居于闇。而動以先哲爲不可幾。

亦知先哲之勤求古訓與今日之醫甚懸絕哉

用藥須見大意論

醫門之理。蹟而難窮。莫先見其大意。大意見則條理在我。由此尋繹。究何難窮。粗工錯繆。如盲人適野。不辨東西。又如羅雀于江。罾魚于林。與其幸而得之。豈理也哉。夫三法四因五治六淫八要十失。最宜早辨。三法者初中末也。一曰初法。當用峻猛。緣病新暴。感之輕。發之重。以峻猛之藥。亟去之。二曰中法。當用寬猛相濟。緣病非新非久。須緩急得中。養正去邪。相兼治之。三曰

末。法當用寬緩藥性平善。廣服無毒。取其安中補益。緣病久邪去。正氣日微也。四因者。有始因。氣動而內有所成病者。積聚癥瘕之類。有始因。氣動而外有所成病者。癰疽瘡瘍掉瘈之類。有不因氣動而內有所成病者。留飲宿食。喜怒。想慕之類。有不因氣動而外有所成病者。瘴氣邪魅。蠱毒。蟲咬獸傷。刀斫刺射。墜墮。捶朴之類。五治者。和取從折屬也。一曰和假。令小熱之病。當以涼藥和之。和之不已。次用取。二曰取。爲熱勢稍大。當以寒藥取之。取之不已。次用從。三曰從。

爲熱勢已甚當以溫藥從之從之不已次用折
四曰折爲病勢極甚當以逆制之制之不已當
以下奪之下奪不已次用屬五曰屬爲求其屬
以衰之熱陷骨髓鍼藥之所不及故必求其屬
屬者生尅之本如王太僕所謂壯水之主以制
陽光是也六淫者陰陽風雨晦明也陰淫寒疾
則怯寒此寒水太過別淺深以溫之陽淫熱疾
則惡熱此相火太過須審虛實以涼之風淫末
疾末謂四肢也必身強直此風木太過須和冷
熱以平之在陽則熱在陰則寒寒則筋攣骨痛

熱則委緩不收。兩淫腹疾，則濕氣濡泄。此濕土太過，以平滲燥之。兼看冷熱之候。晦淫惑疾，晦邪所干，精神惑亂。此燥金太過，當滋養之。明淫心疾，心氣鼓動，狂邪譫妄。此君火太過，當鎮以斂之。八要者，虛實冷熱邪正內外也。一曰虛，脈細皮寒，氣少泄瀉，飲食不進，此爲五虛。二曰實，脈盛皮熱，腹脹前後不通，悶脊，此爲五實。三曰冷，陽氣衰微，腑臟積冷。四曰熱，陰氣衰弱，腑臟積熱。五曰邪，非臟腑正病也。六曰正，非外邪所干也。七曰內，憤怒所傷，不在外也。八曰外，外物

所傷不在內也。十失者，病在驕恣，背理不遵，醫戒不自珍愛。一失也。輕身重財，治療不早，診視不勤，二失也。聽從師巫，廣行殺戮，不信醫藥，三失也。憂思想慕，怨天尤人，廣生懊懣，四失也。諱疾忌醫，言不由中，藥不合證，五失也。不能擇醫，或信妄言，或憑龜卜，六失也。室家不和，處事乖戾，盡成荆棘，七失也。不明藥理，旦暮更醫，雜劑妄投，八失也。但索寫方，藥材濫惡，妄爲加減，九失也。奉侍匪人，煎丸失法，怠不精詳，十失也。工醫者不可不知此數則。物理論曰：古之聖醫，知

醫四書
藥准
天地神祇之妙。性命吉凶之數。處處虛實之分。定
順逆之節。貫微通幽。不失細小。然而雖高必以
下爲基。夫豈躡等可造。學者果有是志。請從此
早邇始。

用藥須省五過論

慨自用藥之弊也。始于執流而忘源。信方而遺
理。將有劑已大謬。猶懸懸而計效。方或偶當。反
忽忽而自疑。病以藥傷。尚嫌處劑之輕。功本將
臻。乃欲更端以治。泥成方之驗。不解隨人活潑。
膠章句之跡。未能廣會靈通。如斯愚昧。皆由格

理之功踈。而尋原之學淺也。而其過有五。夫子
毋虛實。鬼邪微正。治病之本也。明此之故。病在
上而治反在下。病在下而治反在上。病同而藥
異。病異而藥同。證端蜂起。而線索井然。變證多
危。而執持不亂。此旨未達。遂證尋求。既治其上。
又攻其下。既療其彼。復顧其此。本之。不端。藥無
精一。如著百家衣。爲識者笑。救頭救脚之譏。所
不免。已過一也。氣血虛實。寒熱邪正。灼然明辨。
則益心之陽。寒亦通行。強腎之陰。熱之猶可。發
舒陽氣。以生陰精。滋養陰精。以化陽氣。或養正

而邪自除。或驅邪而正始復。或因攻爲補。或借補爲攻。苟臨證狐疑。則進退交戰。姑以輕和之劑。冀其萬一之功。非有直入之兵。收其捷得之效。則兩騎之誚。所從來已。過二也。或讀本草類方。刻意求藺。以爲精專。不知制之小者。君一臣二。制之大者。君一臣三。佐九。聖人初無從藺之心。惟是合宜以治耳。仲景東垣共稱醫聖。而用多用寡。兩不相侔。王節齋謂東垣如韓信將兵。多多益善。丹溪不過能將十萬。不敢效其多。是以多寡分優劣也。將置仲景于何地耶。故得其

要者多亦不雜。不得其要。少亦不專。不究確然之理。而以品味多寡爲衡。是崇末而遺本已過三也。未能宏博。炫然自矜。好爲竒僻。不可一世。厚其立異之初心。不過思假此以要尊信耳。究也。治而弗勳。反深沉困。其尊信果安在哉。過四也。仲景云。觀今之醫。各承家技。終始順舊。省疾問病。務在口給。相對斯須。便處方劑。動數發息。不滿五十。明堂闕庭。盡不見察。夫欲視死別生。實爲難矣。如斯鹵莽。且圖速效。則寒熱溫涼。行散補瀉。能無過當乎。不知藥無次序。猶兵無紀

律雖有勇健適足僨事已過五也省此五過務
圖去之惟當尚友千古毋多自遜以阻進階則
天地之理得而見垣非難爾願天下惕然于生
殺之故慨然爲窮源之學則四家可五而軒岐
至今存矣

用藥須審七方十劑論

夫方有七劑有十者蓋方者訪也訪彼以合此
也非七不足以盡方之變劑者濟也用此以濟
彼也非十不足以盡劑之巧故分七方十劑也
然約言其要有因其性爲用者有因其用爲使

者。有因其所勝而爲制者。有氣相同則相求者。有氣相尅則相制者。有氣有餘而補不足者。有氣相感則以意使者。有質同而性異者。有名異而實同者。故蛇之性上竄而引藥。蟬之性外脫而退翳。蚩引血而用以治血。鼠善穿而用以治漏。所謂因其性而爲用者也。弩牙速產。以機發而不括也。杵糠下噎。以杵築下也。所謂因其用而爲使也。浮萍不沉水。可以勝水。獨活不搖風。可以治風。所謂因其所勝而爲制者也。麻木穀而治風。豆水穀而治水。所謂氣相同則相求者。

也。牛土畜，乳可以止渴疾。豕水畜，心可以鎮恍
惚。所謂因其氣相尅則相制也。熊肉振羸，兔肝
明視。所謂氣有餘補不足也。鯉之制水，鶩之利
水。所謂因其氣相感則以意使者也。蜜成於蜂，
蜜溫而蜂寒。油生於麻，麻溫而油寒。茲同質而
異性也。麝蕪生於芎藭，蓬蘽生於覆盆。茲名異
而實同者也。所以如此之類不可枚舉。故天地
賦形不離陰陽，形色自然皆有法象。毛羽之類
生於陽而屬於陰，鱗甲之類生於陰而屬於陽。
空青法木，色青而主肝。丹砂法火，色赤而主心。

雲母法金色白而主肺。磁石法水色黑而主腎。黃石脂法土色黃而主脾。故觸類而長之。莫不有自然之理也。欲爲醫者。上知天文。下知地理。中知人事。三者俱明。然後可以語人之疾病。不然則如無目夜遊。無足登涉。動致顛隕。而欲愈疾者。未之有也。

七方 大 小 緩 急 奇 偶 復

大方之說有二。病有兼證。不可一二味治者。宜君一。臣三。佐九。品味數多。故曰大。病有在身半已下。而遠者。處劑宜多。而品味宜少。

以分其數多。故亦曰大。

小方之說有二。病有在心肺以上而近者宜

分兩微而徐徐呷之。病有無兼證。可以一

二味治者。宜君一臣二之小方。

緩方之說有六。病有在胸膈宜以甘緩之。

有緩則治其本。治本者須優游漸漬。不可責

效旦夕。有九以緩之之緩。蓋比湯藥氣力

難化而宣行遲也。有品味衆多之緩。蓋藥

味衆則各不得自聘。如萬病丸七八十味互

相拘制。有無毒治病之緩。蓋性無毒則功

自緩。有氣味薄之緩。蓋氣味薄則主用在
上治上者制以緩。緩則氣味薄也。

急方之說有六。心腹暴痛。洩便不通。用備急

丸之類是也。中風牙關緊閉。漿粥不食。用

急風散之屬。有湯散蕩滌之急。蓋湯主蕩。

而散主散。如風雨之疾迅也。有藥性有毒

之急。蓋有毒則能上涌下泄。可以奪病之大

勢也。有氣味厚之急。蓋氣味厚則直走于

下也。有治標之急。擇其甚者急救之也。

奇方之說有二。有獨用一物之奇。有一三

五七九之奇。近者奇之。下者奇之。奇者不止。君一臣三。凡在陽之分者。皆爲之奇也。

偶方之說有三。有兩味相配之偶。有兩方相合之偶。有二四六八十之偶。遠者偶之。汗者偶之。偶者不止。君二臣四。凡在陰之分。皆謂之偶也。

復方之說有二。有二方三方相合之復。如桂枝二越婢一湯。有分兩勺平之復。如胃風湯各等分也。

十劑 宣 通 補 瀉 輕 重 骨 虛

燥 濕

宣者升而上也。內經曰：高者因而越之，卽涌劑也。以君召臣曰宣是矣。

通者流通之義也。凡壅滯閉結，非通劑不愈。

補者五臟各有補法。夫虛有六，表裏上下陰陽也。經曰：形不足者補之以氣，精不足者補之以味，須達證之所起，分經療之爲善。

瀉之義與通倣，但不專主於下。如黃芩瀉肺，黃連瀉心，黃柏瀉腎，龍膽草瀉肝，石膏瀉脾之類。經曰：實者瀉之。凡清利之劑，總名曰瀉。

輕者言藥之性也。如風寒之邪。始自表而入。頭
痛身熱。腰脊強。內經曰。宜輕劑以揚之。本草
云。輕可以去實。宜麻黃葛根升麻之屬。

重者。亦藥之性也。如久病咳嗽。痰涎不利。形羸
不可峻攻。用硃砂金箔水銀沉香之屬。內經
曰。重者減之。貴其漸也。

滑者。取其潤也。周禮曰。滑以養竅。如麻仁冬葵
子郁李仁滑石之類。

澁者。收之之義也。如牡蠣白礬龍骨粟殼之屬。
燥者。取其去濕也。如久瀉冷積。宜薑附以燥之。

虛濕宜黃連大黃燥之。

濕者與滑義相類而少有不同。滑兼通意而濕則但主於濡。經曰血主濡之。當歸地黃之屬。用藥須明品味相扶論。

夫藥之主療雖質地各逞而其妙用。貴麻廕相扶。醫者體認逼真。投之如鼓應桴。針芒不差矣。是故表汗用麻黃。無葱白不發。吐痰用瓜蒂。無豆豉不湧。去實熱用大黃。無枳實不通。溫經用附子。無乾姜不熱。甚則泥清水加葱白煎之。竹瀝無薑汁不能行經絡。蜜導無皂角不能通秘。

結。非半夏薑汁不能止嘔吐。非人參竹葉不能
止虛煩。非小柴胡不能和解表裏。非五苓散不
能通利小便。非天花粉葛根不能止渴解肌。非
人參麥門冬五味子不能生脉補元。非犀角地
黃不能止上焦之吐衄。非桃仁承氣不能破下
焦之畜血。非黃芪桂枝不能實表開虛汗。非茯
苓白朮不能去濕助脾。非茵陳不能治黃疸。非
承氣不能制熱狂。非枳桔不能除痞滿。非陷胸
不能開結胸。非人參敗毒不能治瘟疫。非九味
羌活不能治四時感冒風寒。非四逆不能治陰

厥非桂枝麻黃不能治冬月之惡風寒非薑附湯不能止陰寒之泄利非大柴胡不能去實熱之妄言陰陽咳嗽上氣喘急非加減小青龍不能分表裏而施汗下此用藥相扶之大端也

用藥須究臭味相得論

人知一藥有一藥之用亦豈知有藥同而用異藥異而用同乎此臭味相得之故辨之須早辨也且夫麻黃得桂枝則能發汗芍藥得桂枝則能止汗黃芪得白朮則止虛汗防風得羌活則治諸風羌活得蒼朮則止身痛柴胡得黃芩則

寒附子得乾薑則熱羌活得川芎則止頭疼川
芎得天麻則止頭眩乾葛得天花粉則止消渴
石膏得知母則止煩渴香薷得扁豆則消暑黃
芩得連翹則消毒桑皮得蘇子則止喘杏仁得
五味則止嗽丁香得柿蒂則止呃乾薑得半夏
則止嘔半夏得薑汁則回痰貝母得瓜蒌則開
結痰桔梗得升麻開提血氣枳實得黃連則消
心下痞枳殼得桔梗能使胸中寬知母黃栢得
山梔則降火豆豉得山梔則治懊懣辰砂得酸
棗仁則安神白朮得黃芩則安胎陳皮得白朮

則補脾。人參得五味、麥門冬，則生腎水。蒼朮得香附、撫芎，則開鬱結。厚朴得腹皮，開膨脹。草果得山查，消肉積。神麩得麥芽，則消穀食。烏梅得乾葛，則消酒。砂仁得枳殼，則寬中。木香得薑汁，則散氣。烏藥得香附，則順氣。芍藥得甘草，治腹痛。吳茱萸得良薑，亦止腹痛。乳香得沒藥，大止諸痛。芥子得青皮，治脇痛。黃芪得大附子，則補陽。知母得當歸、黃柏，則補陰。當歸得地黃、芍藥，則生血。薑汁磨京墨，則止血。紅花得當歸，則活血。歸尾得桃仁，則破血。大黃得芒硝，則潤下。皂

藜得麝香則通竅。訶子得肉果則止瀉。木香得檳榔則治後重。澤瀉得猪苓則能利水。澤瀉得白朮則能收濕。又如生地黃生血。必得麥門冬。能引至所生之地。熟地黃補血。必得天門冬。能引至所補之地。此藥之所以貴臭味相得也。學者能繹此而引伸焉。進乎技矣。

服藥禁忌

服柴胡忌牛肉。服茯苓忌醋。服黃連桔梗

忌猪肉。服乳石忌參朮。犯者死。服丹石不

可食蛤蜊腹中結痛。服大黃巴豆同劑。反不

瀉人。服皂礬。忌蕎麥麵。服天門冬。忌鯉魚。

服牡丹皮。忌胡妥。服常山。忌葱。服半夏。

菖蒲。忌飴糖羊肉。服白木蒼木。忌雀肉胡妥。

大蒜。服鱉甲。忌莧菜。服商陸。忌犬肉。服

地黃。忌蘿菔。服細辛。忌生菜。服甘草。忌菘

菜。服粟殼。忌酸。服芫花甘遂。忌鹽并甘草。

服荆芥。忌驢馬魚蟹河豚。服柿蒂。忌蟹。犯

者木香湯能解。服巴豆。忌蘆筍。服諸藥未

消化。不可食河鮑魚。食河鮑魚後服藥者。口鼻

流血而死。服蜜及蜜煎菓實。忌魚鮓。服藜

蘆。忌狐狸肉。若瘡毒未愈。不可食生薑鷄子。
犯之則肉長突出作塊而白。病腫脹既平。當
節飲食。忌鹽血房室。犯者病再作。死不救。病
癆嗽。忌房室膏粱。犯者死。傷寒之後。忌葷肉
房事。犯者不救。水腫之後。忌油鹽。病脾胃
傷者。節飲食。滑瀉之後。忌油膩。決不可輕犯。
時病新愈。食蒜鱸者。病發必致大困。時病
新愈。食犬羊肉者。必作骨蒸熱。時病新愈。食
生薑及羊肉。必作鬲上熱蒸。時病新愈。食生
菜。令人顏色終身不平復。病人新愈。飲酒食

非病必復作。病人遠行，不宜車載馬馱，病已
擾矣。甚者多死不救。一人爲犬所嚙，犬痛不
可忍，徧痒燥，自欲歸，載至家二十里，一夕而死。
時人皆不知車之誤也。擾動則邪氣益盛，是以
死也。一小兒病痢，用車載數十里，就某寺中
調理，入門卽死痢疾。下墜病也。以車載之，築築
而又下墜也。所謂落井而又下石，安得不死乎。
凡久病之人，胃氣虛弱者，忍思葷茹，亦當少少
與之。圖引漿粥穀氣入胃，此權變之道也。若專
以淡粥責之，則病不悅而食減不進，胃氣斯所

以難復病所以難痊此忌之之過也智者通之

因時用藥

內經曰必先歲氣無伐天和又曰升降浮沉則順之寒熱溫涼則逆之凡用藥須看時令如常用調理藥春加川芎夏加黃芩秋加茯苓冬加乾薑如解肌發汗春溫月用辛涼藥川芎防風柴胡荆芥紫蘇薄荷之類夏暑月用甘辛寒藥乾葛石膏甘草薄荷升麻柴胡之類秋涼月用辛溫藥羌活防風蒼朮荆芥之類冬寒月用辛熱藥麻黃桂枝乾薑附子之類若病與時違

不拘此例。如溫暑月。治熱病疫癘病不可用辛溫熱藥。宜溫涼辛甘苦寒之藥。升麻柴胡乾葛薄荷石膏黃芩黃連甘草芍藥之類。如治咳嗽。春多上升之氣。用川芎芍藥半夏黃芩之類。夏多火炎逼肺。用黃芩山梔桑白皮石膏知母之類。秋多濕熱侵肺。用蒼朮桑皮黃芩防風之類。冬多風寒外來。用麻黃桂枝乾薑半夏防風羌活之類。如治泄瀉。冬寒月。用辛苦溫藥。乾姜縮砂陳皮厚朴之類。夏暑月。暴注水泄。用苦寒酸寒藥。黃連山梔茵陳芍藥之類。如傷

冷食腹痛。或霍亂吐瀉。雖夏暑月。可用辛熱溫中藥。乾薑附子縮砂厚朴之類。如感風寒。肌表寒慄。或發熱面赤。雖夏暑月。可用辛溫解表藥。生乾薑麻黃桂枝羌活防風之類。如酒客病。或素有熱證。雖在寒涼月。可用清涼藥。芩連乾葛之類。蓋病有因時制宜。亦有捨時從政。變而通之。在乎其人。不可執也。

煎熬服法

病人服藥。必托親信恭誠致意之人。令其照法煎熬。其器銀者為上。磁者次之。除去油膩腥穢。

淨盡用新汲甜水量其大小斟酌如大人每劑約一兩之數用水二鍾慢火煎至八九分小者減半生絹濾去粗渣取清汁服病在心上者先食而後藥病在心下者先藥而後食病在四肢者宜飢食而在旦病在骨髓者宜飽食而在夜在上不厭頻而少在下不厭頓而多少服則滋榮於上多服則峻補於下病者服藥又須守禁忌毋傷胃氣夫胃氣者清純冲和之氣人之所賴以爲生者也若謀慮神勞動作神苦嗜慾無節思想不遂飲食失宜藥餌違法皆能致傷旣

傷之後。須用調補。若恬不知怪。而乃忽意犯禁。舊染之證。尚未消退。方生之證。與日俱積。吾見醫藥將日不暇給。而傷殘之胃氣。無復完全之望矣。可不慎哉。

各證分門檢用緊要藥品

治風門 風屬陽。善行數變。自外而入。以鬱正氣。故治風多行氣開表藥。又風入久變熱。熱能生痰。宜用祛風化痰藥。又熱極生風。風能燥液。宜用清熱潤燥藥。

行氣開表藥

羌活

獨活

防風

細辛

升麻

麻黃

白芷

川芎

藁本

蒼耳子

天麻

秦艽

威靈仙

蔓荊子

牡丹實

牛蒡子

紫蘇

薄荷

荊芥

蒼朮

祛風化痰藥

南星

何首烏

白附子

皂莢

藜蘆

瓜蒂

蟬退

蠹

白殭蚕

牛黃

虎骨

白花蛇

烏梢蛇

竹瀝

生薑汁

醫方類聚

卷之七

七

清熱潤燥藥

菊花

蜜蒙花

蒺藜

女萎

青箱子

木賊

白薇

天竺黃

巴戟天

五加皮

主治各經風藥

肝

川芎

心

細辛

脾

升麻

肺

防風

腎

獨活

胃

升麻

大腸

白芷

小腸

藜蘆本

三焦

黃耆

膀胱

羌活

包絡

川芎

已上諸藥發散風寒升發鬱火兼治表

濕之劑。

治熱門

治熱以寒寒藥屬陰故治熱多陰藥

又鬱火宜發散宜用風藥火鬱則發之升陽散火也夫熱燥皆屬陽宜與治燥門通看。

治上焦熱藥

黃芩

梔子

沙參

玄參

丹參

前胡

青黛

山豆根

白前

百部

桑白皮

桔梗

瓜蒌根

貝母

竹葉

竹瀝筍

治中焦熱藥

黃連

胡黃連

連翹

葛根

香薷

石斛

滑石

石膏

茵陳

草蒿

大黃

玄明粉

芒硝

犀角

羚羊角

治下焦熱藥

黃蘗

柴胡

草龍膽

防已

車前子

地膚子

石葦

通草

地榆

苦參

秦皮

文蛤

龜甲

鱉甲

人溺

主治各經熱藥

肝氣柴胡
血黃芩

心氣麥門冬
血黃連

脾氣白芍藥
血生大黃

肺 氣石膏 血山梔子 腎 氣玄參 血黃柏 膽 氣連翹 血柴胡

胃 氣葛根 血大黃 三焦 氣連翹 血地骨皮 膀胱 氣滑石 血黃柏

大腸 氣連翹 血大黃 小腸 氣赤茯苓 血木通

心胞絡 氣麥門冬 血牡丹皮

主治骨肉分勞瘵發熱藥

肝 氣當歸 血柴胡 心 氣生地黃 血黃連 脾 氣芍藥 血木通

肺 氣石膏 血桑白皮 腎 氣知母 血生地 膽 氣柴胡 血瓜蒌

胃 氣石膏 血芒硝 小腸 氣赤茯苓 血木通 大腸 氣芒硝 血大黃

三焦 氣石膏 血竹葉 膀胱 氣滑石 血澤瀉

已上諸藥治上中下三焦內熱兼治濕

熱之劑

治濕門 濕因氣虛不能運化水穀而生宜用
補氣除濕藥又宜調中消導藥行濕利大小
便外濕宜汗散內濕宜用風門藥風能勝
濕也夫濕寒皆屬陰宜與治寒門通看

補氣除濕藥

黃耆

人參

甘草

白朮

茯苓

山藥

白扁豆

薏苡仁

鷄頭實

蓮藕實

調中消導藥

蒼朮

半夏

橘皮

青皮

枳殼

枳實

厚朴

射干

旋覆花

大腹皮

神麩

大麥芽

赤小豆

山楂

阿魏

京三稜

蓬莪朮

郁李仁

使君子

木瓜實

行濕利大小便藥

猪苓

澤瀉

瞿麥

車前

紫草

通草

百合

葶藶

地膚子

牽牛子

大戟

芫花

甘遂

海藻

昆布

主治各經濕藥

肝

白朮

一云川芎

心

黃連

一云赤茯苓

脾

白朮

肺

桑白皮

腎

澤瀉

胃

白朮

小腸

車前子

大腸

秦艽

三焦

陳皮

膀胱

茵陳

心包絡

茗

已上諸藥治上中下三焦內濕兼補氣

調氣之劑

治燥門

燥因血虛而然。蓋血虛生熱。熱生燥。

是也。宜用解熱生津藥。及滋血潤燥藥。夫燥

熱皆屬陽。宜與治熱門通看。

解熱生津藥

天門冬 麥門冬 知母 貝母

栝蒌根 枇杷葉 牡丹皮 地骨皮

蘭草 烏梅 馬兜苓 欬冬花

阿膠 紫苑 淡竹葉 遠志

菖蒲 五味子 酸棗仁 訶黎勒

滋血潤燥藥

生地黃 熟地黃 當歸 川芎

芍藥 杏仁 麻子 桃核仁

蜀葵花 郁李仁 牛膝 槐實

栢實

蒲黃

瑣陽

枸杞子

鹿茸

肉蓯蓉

紅藍花

蘇方木

主治各經燥藥

肝

當歸

心

麥冬

脾

麻仁

肺

杏仁

腎

栢子仁

大腸

硝石

小腸

茴香

三焦

山藥

膀胱

茴香

心胞絡

桃仁

已上諸藥治上中下三焦內燥兼補血

和血之劑。

治寒門

治寒以熱熱藥屬陽故治寒多陽藥

外寒宜汗散宜用風藥寒從汗解也夫寒濕

皆屬陰宜與治濕門通看。

治上焦寒藥

人參 黑附子 烏頭 生姜 桂枝

治中焦寒藥

乾薑 桂 高良姜 草豆蔻

白豆蔻 肉豆蔻 莎草根 訶黎勒

縮砂 益智子 姜黃 五靈脂

丁香 巴豆 蜀椒 胡椒

艾葉 芫子 白芥子 萊菔子

木香 檳榔 紫真檀 常山

草果

延胡索

鬱金

草澄茄

神麴

大麥芽

治下焦寒藥

菟絲子

補骨脂

杜仲

懷香子

草薺

烏藥

山茱萸

吳茱萸

沉香

胡蘿巴

主治各經寒藥

肝氣吳茱萸
血當歸

心氣桂心
血同

脾氣吳茱萸
血同

肺氣麻黃
血乾姜

腎氣細辛
血附子

大腸氣白芷
血秦芫

小腸氣茴香
血延胡

三焦氣附子
血附子

膀胱氣麻黃
血秦芫

心包絡

氣附子
血川芎

已上諸藥。治上中下三焦內寒兼治濕寒之劑。

治氣門

氣屬陽。治氣門多陽藥。經云。壯者氣

行則愈。怯者着而成病。故治氣多補氣清氣。溫涼藥。又逆氣在上。須用達之。在中。須用調順。在下。須用消導。故又宜溫氣快氣辛熱藥。行氣散氣降氣藥。破氣消氣藥。

補氣清氣溫涼藥

人參

黃芪

白朮

甘草

茯苓

沙參

天門冬

麥門冬

五味子

酸棗仁

玄參

遠志

菖蒲

肉蓯蓉

巴戟天

薏苡仁

山藥

杜仲

益智

大棗

烏梅

胡麻

白扁豆

鹿茸

枇杷葉

溫氣快氣辛熱藥

乾薑

生薑

黑附子

懷香子

肉豆蔻

白豆蔻

縮砂蜜

桂

丁香

沉香

紫真檀

吳茱萸

蜀椒

訶藜勒

蒜

行氣散氣降氣藥

蒼朮

川芎

莎草根

柴胡

前胡

茵陳

木香

藿香

龍腦香

酒

烏藥

大腹

棟實

橘核

橘皮

杏仁

荔枝核

木瓜實

葱白

萊菔根子

韭

桔梗

荆芥

香薷

破氣消氣藥

薑黃

阿魏

三稜

蓬朮

本草綱目

卷之十一

七

海藻

檳榔

枳殼

枳實

青皮

厚朴

麥芽

神麩

山查

牡礪

海蛤

治血門

血屬陰陽生則陰長故治血多補血

溫血屬陽藥陽常有餘陰常不足故陰血難

成而易虧又宜用補血生血屬陰藥凡見血

之證俱是熱迫不能循經而行故宜用涼血

止血行血藥又淤血凝滯則為痛為澀故宜

用破血消積血藥

補血溫血屬陽藥

人參

白朮

黃芪

甘草

巴戟天

乾姜

香附

紫苑

款冬花

陽起石

補血生血屬陰藥

天門冬

麥門冬

生地黃

熟地黃

五味子

當歸

芍藥

川芎

牛膝

枸杞子

紅藍花

肉蓯蓉

兔絲子

覆盆子

山茱萸

黃柏

石斛

桑白皮

龜甲

阿膠

蛤蚧

狗肉

諸血

鹿茸

鹿角膠

涼血止血行血藥

丹參

玄參

茅根

艾葉

蒲黃

續斷

地榆

大薊根

小薊

丹皮

黃連

黃芩

連翹

槐花

竹皮

竹葉

竹瀝

大黃

墨

瓜蒌子

椶櫚

子皮

韭汁

側柏葉

荊芥

柴胡

藕及節

酒

醋

飛花

花蕊石

代諸石

犀角

牛角腮 羚羊角 牡蠣 亂髮灰

人溺

破血消積血藥

補骨脂 劉寄奴 茜根 鬱金

薑黃 延胡索 京三稜 蓬莪朮

乾漆 枳實 桃仁 蘇木

巴豆 秦椒 騏驎竭 沒藥

山查 大麥芽 自然銅 麻子

治痰門 痰屬火屬濕治痰門多寒藥及燥藥

又隨氣升降順氣為先宜與治氣門通看

治熱痰虛痰藥

天門冬

知母

貝母

黃芩

黃連

括婁子

青黛

桔梗

柴胡

前胡

款冬花

紫苑

馬兜鈴

蘭草

茵陳

連翹

桑皮

茶茗

荆瀝

竹葉

竹瀝

訶梨勒

五倍子

蘇子

烏梅

惡實

治濕痰行痰藥

白朮

蒼朮

茯苓

枳殼

枳實

橘皮

木瓜

大腹皮

葶藶

甘遂

薏花

芫花

旋覆花

槐實

續隨子

治寒痰風痰藥

生姜

半夏

南星

細辛

厚朴

萊菔子

白芥子

益智仁

神麴

大麥芽

天雄

烏頭

信石

藜蘆

威靈仙

消尅痰積藥

大黃

檳榔

山查

射干

礬石

芒硝

玄明粉

礪砂

蛤粉

青礬石

瓜蒂

常山

巴豆

已上諸藥風熱燥濕寒乃外所因氣血
 痰乃內所因內經云百病皆生於風寒
 暑濕燥火丹溪云大抵治病不外氣血
 痰三者余故以三說為主畋其要藥著
 之於右為療病檢方之式雖未敢謂聚
 狐成裘亦粗補食葉得繭云爾用者能
 以例廣之則萬病可以類推矣。

藥準卷下

明贈光祿大夫少保大學士太醫院院使秀水東山朱儒鑒定

明吳興山人培元許兆楨輯著

藥性論

藥性自神農本經而下。增衍至今。如稻麻竹葦。頭頭皆用。萬物於此無盡藏矣。欲窮其奧。則所產各異其地。主療各殊其能。何啻風馬牛不相及也。然人雖至敏。尚苦汗漫之難稽。况寡陋者流。安能遍嘗而盡識。倘因訛就錯。意見妄投。則千里毫釐。駟不及挽矣。司命之謂何。顧與其博

而不精。孰若藟而知要。試觀潔古珍珠囊中。止九十品。丹溪衍義。止七十二味。流傳到今。其神功所及。燦焉指掌。又何必誇多鬪靡爲耶。今以隨身緊要藥性。擇其尤者。謹詳著於左。以便臨病處方之準。俾用之者。如水印月。如火燎原。昭晰不眩云爾。若曰退繁扞簡。發先賢之覆。考古驗今。指後學之迷。則蠡測管窺。恐掛一漏萬。因表此以俟來茲。

草部

附子 味辛甘。性大熱。有毒。每隻重一兩已外。

臍正底平。頂短節少。肉不腐。皮不皺。圓正端坐者佳。童便浸三日。以甘草汁浸過。濕紙包。慢火中煨。令極熟。去皮臍。切片再炒。內外俱黃用。

主溫脾胃。補陽虛。除寒濕之聖藥。凡病四肢厥逆。惡寒。踈臥。心腹冷痛。吐利清白。或暴瀉脫元。汗多亡陽。下多亡陰。吃逆不止。及久痢寒瘡。癰疽不斂。小兒慢驚。痘陷灰白。陰毒傷寒。脉微欲絕者。有回陽退陰之功。起死復生之妙。然大熱健悍之藥。苟無前症。率爾輕投。

殺人速於刀刃。蓋附子通行諸經，引用之劑，入手少陽三焦命門，性走而不守，行而不止，浮中沉無所不至，陽中之陽，百藥之長。故東垣謂其有斬關奪旂之功，非身涼四肢厥者，不可僭用。若陽虛人服參芪無効，宜於補藥中稍加附子以行參芪之功。肥人多濕，亦宜少加行經。長者名天雄，助陽退陰，除風寒濕痺，歷節痛。尖者名烏頭，主風濕冷痛，衍義云烏附天雄皆氣壯形偉，可爲下部藥之佐。世俗相襲，爲治風及補藥，殺人多矣。治寒

治風有必用者當以童便浸煮以殺其毒且可助下行之力入鹽尤捷。

人參味甘氣微溫無毒堅白肥潤金井玉欄
杆嚼有餘味者佳去蘆用若用參一兩入蘆
一錢其一兩參亦虛費矣又參如與細辛密
封千年不壞。

主補五臟之陽安精神定魂魄除驚悸通血
脈破堅積生津止渴明目輕身開心益智治
五癆七傷虛損肺脾陽氣不足短氣少氣腸
胃中冷吐利反胃心腹鼓痛補上焦提元氣

下陷升麻引用補下焦瀉腎中火邪茯苓爲
使肺氣虛寒久病喘欬自汗宜用肺受火邪
暴病痰實氣壅勿用蓋參入手太陰肺經肺
主清肅之氣肺寒則可服肺熱還傷肺也然
參專於補氣亦兼補血者血隨氣行故補其
氣而血自生陰生於陽甘能生血也夫補藥
之中惟參爲最故病裏虛腹痛心胸逆滿者
須用之養正退邪然多則宣通少則補力不
到或反增壅滯俗醫乃謂氣無補法束手待
斃不思正氣虛而不運行邪滯因着而爲病

苟不用參補之。邪何由行。參蘆主吐虛痰。
沙參。味苦甘。氣微寒。無毒。擇白而實者佳。去
蘆用。

主補五臟之陰。除肺熱。養肝氣。止驚煩。治常
欲眠。及卒得諸疝。小腹陰中相引痛如絞然。
氣力甚薄。非多用不効。肺寒用人參。肺熱用
沙參。人參補陽而生陰。沙參補陰而制陽也。
黃芪。味甘。氣溫平。無毒。擇柔軟皮黃肉白。如
箭筈者佳。其堅脆而味苦者。乃苜蓿根也。能
令人瘦。宜審治瘡生用。補虛蜜炙。

主外實皮表。中補脾胃。下治傷寒。尺脈不至。益腎命門元氣。是上中下內外三焦藥也。故能補諸虛不足。去肌熱。止虛汗。除消渴。退骨蒸。補肺氣。瀉心肺火。排膿止痛。活血生血。內托陰疽。爲瘡家聖藥。性畏防風。防風能制黃芪。芪得防風。防風得芪。其功愈大。蓋相畏而相使者也。故二味世多相須而用。然肥白而多汗者爲宜。若形實而蒼黑者不宜服。

白朮 味甘辛。氣溫無毒。堅白者佳。去浮皮。麩

皮炒用。

主強脾胃進飲食消虛痰治瘖瘡止下洩通
小便消腫滿和中益氣除濕安胎利腰臍間
血除胃中熱及風寒濕痺死肌瘰癧在氣主
氣在血主血無汗則發有汗則止與黃芪同
功有動氣者勿用

蒼木 氣味功用與白木同但比白木別有雄
壯之氣須糯米泔水浸一日切晒炒用

主散風寒去目盲解瘟疫瘧癘嵐瘴消疝癖
氣塊心腹脹痛痰成窠囊若除上下焦濕寬
中進食發汗辟邪功最大若補中焦除濕止

汗力小於白朮也。服食家又號爲山精。必欲長生。當服山精。

甘草 味甘。氣平。無毒。大而結實者佳。去皮用。生則性寒。大瀉實火。消瘡疽。及肺痿吐膿血。灸則性溫。能補上中下三焦元氣。健胃和中。散寒除熱。解百毒。去咽痛。緩正氣。養陰血。凡心火乘脾。腹中急痛。腹皮急縮者。宜倍用。以其性緩。諸急而又協和。諸藥使之不爭。故各國老。惟中滿者。忌之。下焦藥亦少用。恐太緩不能達。稍去莖中痛。節消腫導毒。夫甘

草與大戟、芫花、甘遂、海藻相反。而仲景十棗湯、治水腫、痰癖、東垣潰堅湯、治項下結核、丹溪蓮心散、治癆瘵、並皆有犯，乃不爲害，何也？因病勢已拙，非翻江倒海之藥，不能撥亂反正。猶人參與藜蘆相反，古方用以吐頑痰，同義。此相反之中，自有相成之妙。必深於醫者，始足以語此。

當歸 味甘辛，氣溫無毒。頭圓尾多，肥大者佳。酒洗用。治血通用。大補不足，頭止血，身養血。尾破血。全用和血。能使氣血各有所歸，故名。

當歸治一切風。一切氣。一切勞。男子補虛。婦人漏下無子。胎產前後不可缺也。然能滑潤腸胃。大便瀉者。斟酌用之。

芍藥 味酸苦。氣微寒。有小毒。酒浸透。切晒乾用。

主補血。散惡血。抑肝緩脾。治脇痛。及血虛腹痛。又下痢疾。必用之。痢而腹中痛者。炒用。後重生用。有赤白二種。白補赤瀉。赤者破血。利小便。下氣消癰。白者補虛。生新血。退熱除煩。新產後不可使用。以酸寒伐生發之性。又虛

寒人禁用。故冬月宜減芍藥以避中寒。

地黃 味甘苦。氣寒無毒。肥大沉水者佳。酒洗

用。忌犯鉄器。令人腎消。蘿蔔同食。令人髮白。

主生精血。破惡血。涼心血。封填骨髓。補腎水。

真陰不足。瀉脾中濕熱。五心煩熱。血虛勞熱。

絞汁服。治一切心痛。酒蒸熟。則微温。大補血。

衰。補腎滋陰之劑。更無先於此。然生地黃生

血。胃氣寒者服。恐妨食。宜酒炒用。熟地黃補

血。痰飲多者服。恐泥隔。宜薑汁炒用。

川芎 味辛。氣温。無毒。塊大重實。裏色白。不油。

者佳。酒洗用。

主上行頭目。下行血海。通肝經血中之氣藥也。故能治中風入腦。生血行氣。溫中散寒。開鬱燥濕。治頭面風。少陽厥陰頭痛。血虛頭痛之聖藥。若久服則走真氣。又多汗氣弱之人亦不可服。辛散故也。小者名撫芎。鬱在中焦。須撫芎開提其氣以升之。氣升則鬱自降。故撫芎總治諸鬱。直達三焦。爲通陰陽氣血之使。葉名蘼蕪。亦治風辟邪。

天門冬。味苦甘。性寒。無毒。肥大者佳。去皮心。

用

主保肺氣定喘息。止嗽消痰。除煩解渴。療肺痿。生癰。吐膿血。及吐衄妄行。補五勞七傷。殺三蟲。益骨髓。通腎駐顏。然治肺熱之功多。患人體虛而熱者加用。但專泄而不收。寒多者禁服。

麥門冬 味甘辛。性微寒。無毒。去心用。不則令人煩。

主瀉肺中伏火。補心氣不足。止欬嗽。除血妄。退目黃。生津解渴。通脉。益精悅顏。有子。及肺

痿吐膿。

五味子 味酸氣溫無毒肥大潤澤者佳酒洗

用。

主欬逆上氣除煩熱補虛勞在上滋肺在下
滋腎大益五臟故氣耗散者用此收之然多
食致虛熱收補之驟也又火熱嗽必用之有
南北二種若生津止渴強陰益精治勞嗽用
北五味若風邪在肺用南五味。

知母 味苦辛氣寒無毒堅白者佳去皮毛用。

引經上行酒浸炒下行鹽水炒勿犯鐵器。

主補腎水。瀉腎中火。潤心肺。止煩渴。消痰定嗽。下氣除瘧。及有汗骨蒸勞熱。患人虛而口乾。加用之。多服令人泄。

貝母 味苦辛。氣微寒。無毒。肥白者佳。去心皮用。

主傷寒欬嗽。上氣。開鬱消痰。療腹中結實。心下滿悶。止煩熱出汗。解渴散毒。安五臟。利心肺。斂瘡口。除人面瘡。又羊肉所傷。經年不消。非此莫效。

桔梗 味苦辛。氣微溫。有小毒。堅白者佳。去蘆

頭用。

主清肺竅。利咽喉。通鼻塞。除肺風熱。肺癰散。頭目胸膈間滯氣。能載諸藥不下沉。爲舟楫之劑。如大黃苦泄峻下。欲引上胸中至高之分。成功。非此不居。乾欬嗽。乃痰火之邪。鬱在肺中。痢疾腹痛。乃肺金之氣。鬱在大腸。並宜苦梗開之。此藥能開提氣血。故氣血藥中多用之。

薺苳

形類桔梗。味甘美。可充人參。能解諸百

毒。

半夏 味辛苦。性溫有毒。湯泡七次。薑汁浸透蒸熟用。

主風痰寒痰濕痰食積痰。止嘔吐。治痰瘧。除欬嗽。開胃健脾。下氣散結。太陰痰厥頭疼。非此不能除。渴者禁用。燥津液故也。

南星 氣味主治與半夏同。然半夏辛而能守。南星辛而不守。其性烈於半夏。用須薑製。或置牛膽中懸風處經年用。酷似由跋。但小柔膩肌細。炮之易烈可辨。

瓜蒌根

即天花粉

味苦。氣寒。無毒。白者佳。米泔水洗。

去皮用。

主消渴唇乾。口燥。身熱煩滿。退黃疸。通月水。續絕傷。消腫毒。下乳。補虛安中。利膈。上熱痰。子。主潤肺寬中。下氣定喘。能洗滌胸膈間痰垢。爲治嗽聖藥。

黃芩 味苦。氣寒。無毒。刮去粗皮。酒浸炒用。

主諸熱降肺火。去肌表風熱。及胃中濕熱。逐水通淋。消癰退疸。枯飄者名宿芩。入肺經。消痰定喘。止上部積血。圓實者名子芩。入大腸經。除熱安胎。主下痢膿血。又能補膀胱不足。

滋其化源。

黃連 味苦。氣大寒。折之中間有小孔者佳。去

鬚用酒炒。則上行薑汁炒。辛散衝熱有功。

主瀉心火。益肝膽。解熱毒。止消渴。消痞滿。治

嘔逆。調胃厚腸。除胃中濕熱。及下痢赤白。目

痛暴發。諸瘡腫毒。必用之。

胡黃連 味苦。氣平。心黑外黃。折有烟起如鸚

眼者佳。

主骨蒸癆熱。久痢成疳。婦人胎蒸。小兒驚癇

潮熱。

大黃 味苦氣大寒錦紋有血絲者佳入湯藥中須酒浸透煮湯臨熟乃納湯中煮兩三沸便絞出則力猛易得快利若煎火過則力緩宜看病用。

主瘀血食積痰積癥瘕積聚黃疸水腫下痢後重心腹急痛及諸實熱不通並宜用此以蕩滌腸胃推陳致新然此藥太峻性走而不守非心腹脹滿大便燥結不可輕用誤下則瀉脫人元氣。

麻黃 味苦甘氣溫無毒去根節水煮二三沸。

去上沫晒乾用。不則令人煩悶。

主散寒邪。發表出汗。氣味俱薄。輕清上浮。行頭貫脊。透皮毛。開腠理。泄衛表實。去榮中寒。故能治足太陽頭疼身痛脊強。手太陰欬嗽氣逆痰喘。又消赤黑斑毒。及風毒瘴痺不仁。若過發則汗多亡陽。凡有汗切不可用。根節能止汗。

葛根 味甘氣平。性輕浮。無毒。白淨多粉者佳。去皮用。

主陽明中風傷寒頭痛。身熱口燥鼻乾。用此

解肌發表。出汗止渴。升陽。又引胃氣上行。除胃熱。虛瀉之聖藥。若初病太陽未入陽明。不可便服。葛根升麻是引賊入家也。又多用恐傷胃氣。花解酒毒。

升麻 味甘苦氣平。無毒。堅實青綠色者佳。去黑皮用。

主散陽明經風邪。升脾胃中清氣。引甘溫之藥上行。以補衛氣之散。而實其表。故元氣不足者用此於陰中。升陽胃中陽氣鬱遏者宜之。又能解百毒。辟瘟疫邪氣。時氣赤眼咽痛。

牙跟浮爛及瘡家聖藥。

紫蘇 味辛氣溫無毒葉雙面皆紫者佳。

主發散風寒消痰利肺下氣寬中和血止痛。
定喘安胎解魚蟹毒久服泄人真氣。子治
肺氣喘急。梗利膈寬胸。

防風 味辛甘氣溫無毒堅實黃潤者佳身半
已上風邪用身身半已下風邪用稍去蘆又
頭又尾者不用治風通用瀉肺實散頭目中
滯氣去上焦風邪之仙藥又治濕諸風藥皆
然風能勝濕爾乃卒伍卑賤之職聽君將命

令而行。隨所引而至。風藥中潤劑也。誤服瀉
人上焦元氣。

荊芥 味苦辛。氣溫。無毒。去根用。

主搜肝氣。散風熱。清頭目。利咽喉。消瘡腫。及
婦人血崩。產後血暈。

薄荷 又名鷄蘇龍腦 味辛涼。氣溫。無毒。葉小如金錢者

佳。

主消風散熱。頭痛。頭風。眼目咽喉口齒諸病。
小兒驚熱。風涎。及癩癧瘡疥。貓咬。蜂螫。蛇傷。
乃上行之藥。能使諸藥入榮衛。以疏結滯壅。

擗之氣多服令人心氣不足虛汗不止。

白芷 味辛氣溫無毒白而堅實者佳微焙用
主散肺經風寒鼻塞肌熱足陽明中風頭痛
手陽明腸風下血及頭面皮風燥痒一切痔
瘻乳癰發背癰瘰排膿消毒止痛生肌又治
女子漏下赤白陰腫血閉催生其氣芳香能
通九竅乃解利藥也中病即止不宜久用。

細辛 味大辛氣溫柔莖細直色紫者佳去蘆
用。

主發散寒邪溫中下氣開胃破痰又除風眼

醫四書
藥性論
四
淚下。頭目倒睫。鼻塞齒痛。及少陰頭痛不可
缺然。味辛之極。單服。末不可過一錢。過則氣
塞不通而死。

藁本 味辛苦。氣溫。無毒。去蘆用。

主風寒鬱於太陽經。頭痛。顛頂痛。腦齒痛。及
婦人疝瘕。陰中寒濕腫痛。又引諸藥至顛頂
輕清上升故也。

秦艸 味苦辛。氣平。微溫。無毒。去蘆用。

主風寒濕痺。肢節疼痛。骨蒸癆熱。黃疸腸風

下血。

天麻 味辛甘氣平無毒酒浸濕紙裹煨用。

主風虛眩暈痰厥頭疼小兒風癇驚悸須多用乃効苗名赤箭又名定風草故爲治風之神藥。

羌獨活 味苦甘氣溫無毒一類二種中國者

爲獨活西羌者爲羌活羌活節密色紫而氣雄獨活色黃作塊而氣細雄者治足太陽風濕相搏頭痛肢節痛脊強而厥一身盡痛散發背癰疽細者治足少陰伏風頭痛兩足濕痺不能動止二藥皆能逐風勝濕透關利節

大無不通。小無不入。乃撥亂反正之主也。

前胡 味苦。氣微寒。無毒。去蘆頭用。

主散風寒。清肺熱。去痰喘。推陳致新。爲下氣要藥。

柴胡 味苦。氣微寒。無毒。如發散風寒。宜硬苗。柴胡退虛熱。宜軟苗。柴胡去蘆用。

主疏肝氣。在經主氣。在臟主血。除傷寒。心下煩熱。日晡潮熱。往來寒熱。痰熱瘧疾。胸脇滿痛。散諸經血結氣聚。推陳致新。能引清氣行

陽道。升提胃氣。上行春令。乃少陽厥陰本經

頭痛必用之藥也。又後人治勞方中多用之。若止虛勞而無實熱者，用之致死。

銀柴胡 味苦，氣寒，長而白軟者佳。

主虛勞骨蒸，小兒疳熱。

香附

一名莎草

味甘，氣微寒，無毒。童便浸炒，或醋煮。

杵末用。

主發散時氣寒疫，解六鬱，下一切氣，逐凝血。若炒黑，止崩漏，乃血中氣藥。凡血氣藥多用之，能引血藥至氣分而生血。行中有補，婦人之仙藥也。故本草有久服益氣，長鬚眉，充皮。

毛之說而俗謂其耗氣宜婦人不宜男子非
矣蓋婦人以血用事氣行則血無事老人精
枯血閉惟氣是資小兒氣日充則形乃日固
大凡病則氣滯而餒故香附於氣分爲君藥
世所罕知臣以參芪佐以甘草治虛怯甚速
也昔銖衣翁治百病用香附一觔黃連半觔
米糊丸名黃鶴丹治婦人香附一觔烏藥四
兩醋糊丸名青囊丸治諸虛香附一觔丹參
半觔煉蜜丸名參附丸隨宜引用輒有小効
人索不已用者當思法外意可也

玄胡索 味苦辛。氣溫。無毒。酒浸用。

主除風順氣。破血調經。通經絡。煖腰膝。消癥瘕。治心氣痛。小腹痛。下痢腹痛。垂死。及婦人一切崩淋。血運。諸疾。能行血中氣滯。氣中血滯。專理一身上下諸痛。舒筋療疝。妙不可言。乃活血化氣第一品藥也。

川續斷 味苦辛。氣溫。無毒。狀似鷄脚。節節斷。皮黃皺。折有烟塵者良。去梗。酒浸用。

主傷寒濕。補不足。調血脉。續筋骨。強腰脚。消腫毒。止痛生肌。及婦人崩帶。乳難。胎產。一切

病之要藥。

牛膝 味苦酸。氣平。無毒。長而肥潤者佳。去蘆。

酒洗用。

主寒濕痿痺。四肢拘攣。不可屈伸。益精填髓。活血生血。舒筋續絕。止痛排膿。又治久瘧癥瘕。五淋莖痛。尿血。及男子陰消。老人失溺。婦女月閉。產後諸病。能引諸藥下行。腰腿之疾。不可缺。

石斛 味甘。氣平。無毒。短實有肉。如金色者良。

酒蒸用。

主除痺下氣補虛強陰壯筋長肌平胃氣除
胃中虛熱逐皮膚邪熱痺痛脚膝軟弱及囊
濕小便餘瀝然性極寬緩非多服不效。

萆薢 味苦甘氣平無毒。

主風寒濕痺惡瘡筋骨關節腰背脚膝掣痛
及陰痿失溺緩弱與菝葜土茯苓三物形雖
不同種類則一故主治亦相倣。

五加皮 味辛苦氣溫微寒無毒酒洗用。

主風濕痺痛痿躄壯筋骨補中益精消瘀血
在皮肌釀酒服治風痺四肢攣急。

威靈仙 味微苦氣溫無毒須不聞流水鐵脚者佳。

主諸風寒濕及上下皮膚風痒痛風腰膝冷痛脚不能履通十二經脉多服踈人真氣虛者禁用。

漢防已

枝梗名木防已

味辛苦氣平寒無毒去皮酒洗

用。

主腰以下至足濕熱腫盛脚氣補膀胱去留熱通十二經漢主水氣木主風氣。

草龍膽 味苦澁性寒無毒去蘆酒浸洗用。

主肝膽邪熱。胃中伏熱。時氣溫熱。下焦濕熱。兩目赤腫。睛脹疼痛。不可忍。空腹勿服。令人溺不禁。

玄參 味苦鹹。氣微寒。黑潤者佳。蒸過晒用。忌銅鐵。

主傷寒煩熱。發斑。利咽喉。消腫毒。補腎氣。除肺癰。清骨蒸。勞熱。乃樞機之劑。管領諸氣。上下肅清而不濁。治空中氤氳之氣。無根之火。此神藥也。

丹參 味苦。氣微寒。無毒。根皮丹而肉紫者佳。

酒洗用。

主益氣養血。涼心血。破宿血。生新血。安生胎。落死胎。止血崩帶下。經脉不調。又治風軟脚。可逐奔馬。又名奔馬草。

苦參 味苦。氣寒。無毒。酒浸切用。

主大風有功。殺蟲掃疥。及時氣惡病大熱。有人揩齒。歲久遂得腰重之疾。蓋能峻補陰氣。氣得降而不升故也。

遠志 味苦。氣溫。無毒。甘草湯浸洗。去心用。

主補心強志。益精壯陽。聰耳目。利九竅。去膈

氣止驚悸消乳癰惡腫殺附子毒。葉名小草益精補陰止夢洩。

石菖蒲 味辛苦氣溫無毒一寸九節者佳露根勿用乃水草之精英神仙之靈藥竹刀刮去皮勿犯鐵。

主開心通竅明耳目出音聲溫腸胃除煩悶止小便利四肢風寒濕痺不得屈伸下欬逆上氣療心腹痛殺三屍九蟲。

何首烏

一名夜交藤

味苦澁氣微溫無毒白者雌赤

者雄選大者竹刀切開米泔浸過經宿暴乾

杵用或同黑豆九蒸九晒爲末。酒調服。忌鐵。
主益血氣。黑鬚髮。悅顏色。長筋骨。固精髓。壯
陽道。延年種子。截瘡。消癰。癰疽。五痔。諸瘡。
婦人產後。及帶下諸疾。

山藥

一名薯蕷

味甘。氣平。無毒。泔水洗切。炒用。懷慶

者佳。

主心肺不足。補中益氣。健脾強陰。除腰痛。止
洩精。潤皮毛燥。

芡實

味甘。氣平。無毒。去殼用。

主除濕痺。補肝益腎。治小便不禁。遺精白濁。

帶下。

薏苡仁 味甘。氣平。無毒。色白而糯者良。

主風寒濕痺。筋急拘攣。不可屈伸。利腸胃。消水氣。除腫毒。肺癰肺痿。欬吐膿血。然力勢和緩。用須倍於他藥。根殺三蟲。

蓮子 味甘。氣平。無毒。去心皮用。

主交心腎。利耳目。固精氣。除寒濕。厚腸胃。去赤白濁崩帶。沉水中者名石蓮。通心氣。治噤口痢。澁精。藕主清熱。解煩渴。消瘀血。開胃醒酒。節主吐衄血淋。解蟹毒。葢鬚清

心固腎悅顏益血。蒂助脾安胎止血痢。治雷頭風。葉及房皆破血胎衣不下。酒煮服肉蓯蓉。味酸鹹氣溫無毒。酒浸一宿。刷去浮垢。劈破去中心白膜。酥炙用。

主男子絕陽不興。女子絕陰不產。補命門相火不足。峻補精血。驟用反致動大便。根名鎖陽。強陰益精。養筋潤燥。治痿弱。可代蓯蓉。大便不燥結者勿用。

補骨脂

即破故紙

味苦辛。氣大溫。無毒。酒浸一宿。蒸

半日用。

主男子勞傷陽衰腎冷精流。腰痛膝寒囊濕。縮小便多。止腎虛瀉痢。及婦人血氣痛。

骨碎補 味苦氣溫無毒。酒浸去毛用。

主破血止血。補傷折骨碎。療骨中毒。風氣血疼痛。

黃精 味甘氣平。無毒。單服九蒸九曝。入藥生用。

主補中益氣。安五臟。除風濕。下三屍蟲。久服耐寒暑。不饑。博物志云。太陽之草。名曰黃精。服之可以長生。

胡麻

一名巨勝子

味甘。氣平。擇如油麻紫色者。酒淘。

炒用。

主補五臟。益氣力。長肌肉。堅筋骨。療疥癬。及

浸淫惡瘡。

兔絲子

味辛甘。氣溫。無毒。酒洗曝乾。再浸再

曝。九次。杵末用。

主腰痛膝冷。添精補髓。明目強陰。堅筋骨。續

斷傷。益氣力。療莖中寒。泄精遺溺。久服延年。

決明子

味鹹苦。氣微寒。無毒。圃中種之。蛇不

入。

主頭風目疾青盲赤白瘴翳。止鼻洪。除肝熱。久服益精光。

甘菊 味甘平。氣寒。無毒。味苦者名苦蕒。損胃不入藥。

主益肝補陰。明目養血。除風眩頭痛。久服輕身耐老。其苗可蔬。葉可啜。花可餌。根實可藥。囊之可枕。釀之可飲。自本至末。罔不有功。

旋覆花 卽金沸草 味甘鹹。氣溫。有小毒。

主肺經傷風欬。脇下滿。胸中痰結。唾如膠漆。其功只在去頭目風利水。下氣亦是走散。

醫內書
藥性
三
之藥病人涉虛者不宜多用。

款冬花 味甘辛氣溫無毒。

主潤心肺洗肝明目止嗽消痰治肺癰肺痿

吐膿血

馬兜苓 味苦氣寒無毒去隔膜炒用。

主肺熱咳嗽氣上逆痰結喘促 根名青木

香下膈氣止刺痛

百合 味甘氣溫無毒

主清肺安心定膽益智利小便止咳嗽消癰

腫及傷寒行住坐臥不定謂之百合病必以

此治。

百部 味甘苦。氣溫。微寒。酒浸。焙用。

主潤肺。止咳嗽。上氣。及傳屍骨蒸。勞熱。疳虵。
紫苑 味苦平。氣溫。無毒。去蘆。洗淨。蜜水焙用。
主欬逆。上氣。痰喘。益肺氣。療肺痿。久嗽。吐膿
血。五癆。屍疰。

紫草 味苦。氣寒。肥嫩者佳。去土用。茸更佳。
主消斑疹。毒利九竅。通水道。滑大腸。治心腹
邪氣。腫疽。

紅藍花 味辛。氣溫。無毒。酒洗。晒乾用。

主治血通用。多則破蓄血。生新血。少則入心。
養血和血。又爲產科要藥。子炒用。主天行
痘瘡不出。

澤蘭 味苦。氣微溫。無毒。

主產前後百病。通九竅。利關節。養血氣。破蓄
血。消癥瘕。及水腫。鼻衄。吐血。頭風。目痛。癰腫。
瘡膿。此香草也。

茺蔚子

卽益母草

味辛甘。氣微溫。無毒。苗葉莖根花

實。並皆入藥。陰乾用。

主明目。益精。活血。行氣。有補陰之功。故名益。

母。凡婦人經脈不調，胎產一切血氣諸病，並皆治之。又絞汁服。主浮腫下水。子死腹中。乳癰疔腫蛇毒。

艾葉 味苦，氣微溫。蘄州者良。取陳久者，入木臼內搗熟，羅去滓，取白者，再搗至柔軟如綿，用。

主灸百病，逐寒濕，治吐血衄血，下痢赤白，婦人漏血安胎，止腹痛。久服致火上衝，中病即止。

地榆 味苦甘酸，氣微寒。去蘆，酒洗用。

主下焦血熱瀉痢。腸風下血。婦人崩漏。小兒疳痢。其性沉寒。若虛寒人水瀉冷痢。勿服。

蒲黃 味甘。氣平。無毒。

主生用破血消腫。利小便。炒熟則補血止血。除心腹痛。及產後諸血病。

茅根 味甘。氣寒。掘取肥白者。搗汁用。花陰乾用。

主除伏熱。故能止血。凡吐衄便溺諸失血。悉用之。又能利小便。下五淋。止消渴。解腸胃熱。補中益氣。

蘆根 味甘。氣寒。

主消渴。客熱。止小便。金櫃玉函。治五噎膈氣。煩悶吐逆。不下食。蘆根五兩。剉。水三盞。煮二盞。服。無時。甚效。

鬱金 味辛苦。氣寒。無毒。醋浸用。

主血積。下氣。涼心。止血。破惡血。女人宿血。氣心痛。此芳草也。因性輕揚。能發諸陽之氣。古人用以治鬱遏。

薑黃 味辛苦。氣寒。色赤爲鬱金。色黃爲薑黃。主心腹脇下結積。氣脹疼痛。打撲損傷。產後

醫四書
敗血攻心。消癰疽。乃散氣通經破血之劑。其
主治功力烈於鬱金。

木香 味辛苦。氣溫無毒。形如枯骨粘牙者佳。
不見火磨汁用。與番白芷絕相類。辣喉舌。致
殺人。

主調一切諸氣。散肺中滯氣。行肝氣。利胃氣。
止瀉痢。辟疫毒邪氣。治心腹積冷癖氣。乃三
焦氣分之藥。能升降諸氣。氣鬱者宜之。

縮砂仁 味辛苦。氣溫無毒。堅實者佳。去殼研
碎用。

主脾胃氣結滯不散宿食不消心腹冷痛亦
白瀉痢止嘔安胎又引諸藥歸宿丹田補腎
藥亦用之。

白豆蔻 味辛氣溫無毒去皮微炒用。

主積聚冷氣散肺中滯氣止嘔逆反胃消穀
下氣寬膈進食入手太陰別有清高之氣上
焦元氣不足以此補之又去白睛翳膜紅者
不宜多用。

草豆蔻 味辛氣溫建寧者佳麩裏煨用。

主客寒犯胃脘作痛嘔吐霍亂或濕痰鬱結

成病。若熱鬱者不可用。恐積溫成熱也。必同
山梔之劑。

肉豆蔻 味辛。氣溫。無毒。肥實者佳。麩裏煨用。
主煖脾胃。固大腸。止內虛冷瀉。有未去之積
者。不可以此澀之。

草果 味辛。氣溫。無毒。皮黑皺者佳。去殼用。
主消宿食。除脹滿。去心腹冷痛。溫中截瘧。辟
山嵐瘴氣。止霍亂惡心。

茴香 味辛。氣平。無毒。八角者佳。酒炒用。

主霍亂。脚氣。開胃。止嘔。治小腹。痛。暖膀胱。破

臭氣及腎勞癩疽。小茴香。治疝散疼。其功相倣。蒔蘿亦然。

蓬莪朮。味苦辛。氣溫。無毒。醋炒用。

主心腹痛。散冷氣。消食積。癥癖。通肝經聚血。婦人藥中多用之。以色黑屬血。破氣中之血也。虛人少用。

荆三稜。味苦。氣平。無毒。醋浸一宿炒用。

主老癖癥瘕結塊。婦人經脈不調。心腹刺痛。消食落胎。以其色白屬氣。能破血中之氣。虛者勿用。

澤瀉 味甘淡氣微寒無毒

主瀉腎邪通淋閉逐膀胱三焦停水為除濕最要之藥小便多者勿用

木通 味甘淡氣平無毒去皮用

主除脾胃寒濕通利九竅血脈關節治五淋利小便導小腸經熱散癰腫諸結不消下乳

通經催產 通草 一名通脫木 輕白可愛亦能利

水消乳毒

瞿麥 即落陽花 味苦辛氣寒無毒

主關格癰結小便不通決癰腫排瘡膿去目

翳。

香薷 味辛。氣微溫。無毒。硬梗石生者良。去根用。

主消暑。除煩熱。利小便。下氣。調中溫胃。療霍亂吐利。散蓄水。治水甚捷。有徹上徹下之功。肺得之清化行而熱自下。

車前子 味甘。氣微寒。微炒。研碎用。

主清濕熱。通水道。止泄瀉。治產難。除氣癃閉。療肝中風熱。衝目赤痛。然雖利小便而不走真氣。與茯苓同功。葉及根。主尿血。黃疸。瘡。

痢搗汁和酒服。

葶藶子 味苦氣寒無毒酒淘微焙用。

主瀉肺定喘利小便除面目浮腫大槩治體皆以降氣行水走泄爲用病人稍虛者宜遠之。

牽牛子 味苦氣寒性烈喜走炒過研取頭末用。

主水腫下氣利大小便以氣藥引之則入氣以血藥引之則入血大瀉元氣不脹滿不大便秘者勿用。

白芥子 味辛。氣溫無毒。微炒用。

主溫中下氣開胃豁痰發汗辟惡散痛消腫
凡痰在脇下及皮裏膜外非此不能達。

蘿蔔子 味甘辛。氣溫無毒。

主下氣消穀去痰嗽解麩毒水研服吐風痰。

醋研塗消腫毒根葉同功多食滲人血。

牛旁子 又名大力鼠粘惡實 味辛苦。氣平。酒淘炒令聲盡。

研用。

主風毒斑疹喉痺風熱痰壅咽膈不利出癰

疽頭。根亦主風毒癰腫惡瘡。

射干 又名烏扇羽 味苦氣平微寒。

主欬逆上氣喉痺腫痛行太陰厥陰之積痰。

使結核自消又治便毒。

連翹 味苦氣平微寒。

解手足少陽少陰血熱降脾胃濕熱除心中

客熱消諸癰毒惡瘡 根名連軹解瘀熱發

黃。

青黛 味鹹氣寒。

主解五臟鬱火消斑瘡解熱毒利小便及小

兒疳熱殺諸惡蟲物化為水。

青蒿

即苦草

味苦氣寒無毒根莖子葉四者並皆入藥不可同用。

主骨蒸癆熱除心痛熱黃及疥癩痲痒惡瘡

燈草

味淡氣平無毒

主清心降火利小便除五淋止渴散腫又燒灰吹喉痺塗乳上治小兒夜啼如欲爲末以粳米粉漿染過曝乾研極細入水澄之浮者是燈心也晒乾用。

山豆根 味苦氣寒磨入藥內用。

主解諸毒消瘡腫治咽喉痛。

茵陳 味苦氣寒。葉落莖梗不凋。至春復發舊枝。故名。

主解傷寒煩熱。濕熱發黃。行滯氣。化痰利膈。通小便。

常山

蜀漆苗也

味苦辛。氣寒。有毒。如鷄骨者佳。醋煮

用。

主吐瘧疾。凡瘧家多蓄痰涎黃水。或停瀦心下。或結癖脇間。乃生寒熱。法當吐。痰逐水。常山逐痰。無處不攻。故爲截瘧要藥。但須用於發散表邪。及提出陽分之後。神妙立見。然性

暴悍善驅逐。能傷真氣。稍近虛者。不可用也。

醫四書

新準

三

木部

桂 味辛甘。氣大熱。有小毒。

主溫中散寒。行血實表。其種不一。爲治亦稍別。枝條輕薄者爲桂枝。宜入治頭目。發散風寒藥。故太陽感受風邪。惡風發熱。表虛自汗。仲景用以救表。非以其能斂汗。蓋表有風寒。故病自汗。以桂枝溫榮衛而發其邪。邪去則表密而汗自止。正辛甘發散之義。後人用桂止汗。失經旨矣。身幹厚實者爲肉桂。宜入治臟補腎藥。故下焦寒冷。秋冬下部腹痛。非此

不除也。刮去粗厚。用近裏者爲桂心。宜入心
脾經藥。故能建中回陽。經云。氣厚則發熱。是
也。又有枝幹細小如簪脚者。名柳桂。味淡。宜
入上焦藥。及橫行手臂。經云。氣薄則發泄。是
也。桂雖有小毒。亦從類化。與苓連爲使。小毒
何施。與烏附同用。全得熱性。與人參麥門冬
甘草同用。能調中益氣。護榮實衛。若與有毒
者同用。則小毒化爲大毒。其類化可知矣。

松脂 味苦甘。氣溫。無毒。明淨者佳。

主療一切惡瘡。生肌止痛。煉服之。安五臟。除

胃中伏熱。咽乾消渴。聰耳明目。固齒潤肺。去
歷節風。厲風酸痛不可忍。久服輕身延年。先
以長流水入砂鍋內。桑柴火煮。洋用竹抓籬
掠去滓。傾入冷水內。再換水復煮。拔三次。又
淋桑柴灰水澄清。仍煮拔七次。色白不苦澁
爲度。節炒黑。能燥血中之濕。治筋骨間病。
茯苓 味甘淡。氣平。無毒。堅而實者佳。去筋皮
用。

主調胃。緩脾。除濕。利竅。益氣安神。生津止渴。
瀉腎中伏火。消膈中痰水。大便多。能止之。小

便瀉能利之。有赤白二種。白者入肺膀胱氣分。赤者入心脾血分。白者補。赤者利。又赤者破結氣。如小便多及汗多。陰虛者不宜服。

其抱根生者名茯神。功用頗與茯苓同。但精神恍惚驚悸健忘。及心下急痛。人虛而小腸不利。加而用之。琥珀以手摩熱可拾芥者爲真。茯苓琥珀皆自松出。而所稟各異。茯苓生成於陰。琥珀生於陽而成於陰。故皆治榮而安心利水也。若血少而小便不利者。反致燥急之苦。

栢子仁 味甘辛氣平無毒微炒用

主安五臟養心神止驚悸益氣血潤腎燥興

陽道除風濕痺腰中重痛久服美色延年

栢葉尤良味甘澁氣微温主止諸血益氣去

濕令人耐寒暑此補陰之要藥性多燥大益

脾土以滋其肺

枸杞子 味甘氣平無毒色紅潤圓小核少甘

美者良

主補勞傷強陰益精安神明目血虛者用之

根名地骨皮味苦性寒主有汗骨蒸勞熱無

定在表風邪。涼血堅筋。退疸。利大小腸。酒洗去骨用。

牡丹皮 味辛苦。氣微寒。無毒。肉厚者佳。去骨酒拌用。

主和血生血。涼血止血。去腸胃中積血。開鬱通關。腠瀉陰中火邪。除虛勞。無汗骨蒸。煩熱。蘇木 味甘酸。鹹。氣平。無毒。剉碎。酒浸。煮濃汁入藥。

主破蓄血。消癰腫。排膿止痛。婦人月候不調。及血暈。口噤。產後血脹。悶欲死。

沉香 味辛。氣溫。無毒。沉水者佳。磨汁用。

主散滯氣。調中暖脾。止心腹痛。霍亂泄痢。補腎命門相火。

丁香 味辛。氣溫。純陽。無毒。

主溫脾胃。止嘔逆。除心腹冷痛。去腸中寒泄。

益智子 味辛。氣溫。無毒。去殼鹽水炒用。

主益氣安神。溫脾補腎。利三焦。調諸氣。止遺精。夜夢。小便餘瀝。腹痛寒嘔。當於補中藥內兼用之。勿多服。

吳茱萸 味辛苦。性熱。有小毒。鹽湯泡過炒用。

醫四書
藥性
主溫中逐寒。下氣消食。去冷痰。開腠理。止臍
腹成陣絞痛。及嘔吐涎沫吞酸。下焦寒濕疝
氣。殺三蟲。炒熱熨臍。止腹痛。

山茱萸 味酸澁。氣微溫。無毒。核滑精。酒潤。去
核用。

主補腎溫肝。壯元秘髓。暖腰膝。興陽道。止小
便利。治頭風眩暈耳鳴。

杜仲 味辛甘。氣溫。無毒。去皮鹽酒炙。除絲用。
主腰脊痛。滋腎益精。補中。強足。潤肝燥。堅筋
骨。除陰下濕痒。小便遺瀝。久服耐老輕身。

酸棗仁 味酸。氣平。無毒。去殼炒熟用。

主定心志。補中益肝。斂虛汗。止驚悸。堅筋骨。助陰氣。及膽虛不眠。若膽熱多眠。生用。

黃栢 味苦微辛。氣寒。無毒。肉厚者佳。去皮鹽酒炒用。

主五臟腸胃中結熱。補腎水。膀胱不足。療痿厥。腰脚無力。清小便。降相火。除濕熱。安蛔蟲。主臍下痛。治骨蒸勞熱。及諸瘡黃疸。痔痢吐衄。便血。婦人漏下。赤白皆効。蓋黃栢走至陰。有瀉火之功。無火證者不可用。

梔子 味苦性寒無毒鮮紅者佳炒用。

主解五臟鬱清胃皖血輕浮象肺色赤象火
故治至高之分而瀉肺中之火又治心中客
熱虛煩不眠大病後六血亡津液臟腑無潤
養內生虛熱性屈曲下行降火從小便泄去
仁去心胸熱皮去肌表熱。

金櫻子 味酸澆性平無毒去刺核刷毛淨用
主療脾泄澁精止小便熬膏久服之令人耐
寒輕身。

桑白皮 味甘辛氣溫無毒去浮皮蜜炙用忌

鉛鐵器。

主益元氣不足。瀉肺氣有餘。定喘嗽。治吐血。消痰熱。止渴下氣。去肺中水氣。然性不純良。不宜用多。作線可縫金瘡。更以熱鷄血塗之。椹。止消渴。枝。止嗽。利小便。除風寒濕痺。拘攣痒痛。皮中白汁。主傳口瘡。小兒鵝口。及蛇蟲蜈蚣咬。

猪苓 味淡氣平。無毒。去黑皮用。

主傷寒瘟疫大熱。通淋除腫滿。去濕利小便。此藥行水之功多。然大燥亡津液。無濕證勿

用。

厚朴 味苦辛。氣溫無毒。肉厚色紫者佳。去皮薑炙用。

主下氣溫中。消痰止嘔。和脾胃。消宿食。治腹痛脹滿。散結之神藥。若虛弱人。雖腹脹。宜斟酌用之。誤服脫人元氣。俗謂溫補脾胃。相沿以化習。以成風。哀哉。

檳榔 味辛苦。氣溫。無毒。形似鷄心。扁者名大腹子。

主消穀逐水。除痰癖。止心痛。治瘧痢。殺三蟲。

祛瘴癘。泄胸中至高之氣。又破諸滯氣。使之
下行。性如鐵石之沉重。能墮諸藥。至於極下。
故治後重如神。

大腹皮 味辛。氣微溫。鳩鳥棲其上。先以酒接
洗去濁。仍以大豆汁洗之。晒用。

主冷熱氣攻心腹大腸。蠱毒痰膈醋心。水腫
脹悶。

烏藥 味辛。氣溫。無毒。肉白者佳。

主中氣中惡。心腹諸痛。蠱毒疰忤。宿食不消。
天行疫瘴。膀胱腎間冷氣。攻衝背脊。婦人滯

凝血氣。小兒積聚。虻蟲癰疥。猫犬百病。

藿香 味甘辛。氣溫無毒。帶芳香之氣者佳。

主辟瘴氣。味氣去惡氣。散寒氣。止吐逆。定霍亂。開脾胃。進飲食。除心腹痛。

木瓜 味酸辛。性溫無毒。

主去濕和胃。滋脾益肺。此藥入肝。益筋與血。下部寒濕。霍亂轉筋。脚膝無力。不可缺也。

訶黎勒 味苦酸。氣溫。性急善降。六路黑色厚肉者良。

主下氣清音。開胃澁腸。止久瀉痢。又治肺氣。

因火傷極。驚遏脹滿。喘急咳嗽。其味酸苦。故有收斂降火之功。

川椒 味辛。氣溫。有毒。去梗子。合口者不用。微炒出汗。研去白。取紅用。

主利五臟。辟惡邪氣。溫中除寒。堅齒。止心腹冷痛。去目翳。安蛇殺癆蟲。其氣馨香。其性下行。能使火熱下達。不致上薰。芳草之中。功皆不及。目主下水。燥濕定喘。消蠱。

竹葉 味辛甘。氣平寒。無毒。節間有白粉者佳。主涼心止渴。解煩熱。利痰欬。筴除胃口熱。

化痰止嘔。及吃逆虛煩不眠。瀝清肺熱。消
虛痰。治中風失音不語。痰在四肢經絡。非此
不能開。衍義云。諸方治胎產金瘡口噤。與血
虛有汗。消渴尿多。皆是陰虛之病。無不用之。
產後不碍虛。胎前不損子。本草言其大寒。泛
觀其意。似與石膏芩連同類。而世俗因大寒
二字。寘疑不用。是猶盜嫂受金而棄陳平之
國士也。經曰。陰虛則發熱。竹瀝味甘。性緩。能
除陰虛之有大熱者。寒而能補。與薯蕷寒補
義同。大寒言其功。非言其氣也。世人食筍。自

幼至老未有因笋寒而病瀝卽笋之液也况假火而成何寒如此之甚。

荆瀝 味苦氣溫無毒。

虛痰用竹瀝實痰用荆瀝。二味開經絡行血氣俱用薑汁助送。

蔓荆子 味苦辛甘氣微寒溫無毒。

主散太陽風頭痛腦鳴目淚出目睛內痛。

茶茗 早採爲茶晚採爲茗 味苦甘氣微寒無毒。

主發散降火清頭目除痰熱下逆氣消宿食利小便令人少睡然去人脂暗中損人不少。

空心尤宜忌之。惟飲食後濃茶漱口。既去煩
膩。且苦能堅齒消蠹。不妨。

果部

橘皮 味苦辛。氣溫。無毒。紅而薄者佳。鹽水洗
去筋用。留白補脾胃。去白理肺氣。年久自蛀
去其白者尤佳。

主導滯氣。和脾胃。消水穀。除胸中痰熱。上欬
嗽。嘔洩。又能佐他藥治百病。其功在諸藥之
上。核主腰疼。疝氣。葉導逆氣。消乳腫。

青皮。卽橘之小者。破滯削堅。瀉肝氣。治脇痛。

除小腹痛。又能發汗。及引諸藥走下焦。有汗并虛弱者勿用。

枳殼 味苦酸辛。氣微寒。無毒。擇陳久堅厚不蛀爛者佳。去穰。小麥麩炒。令麩黑去麩。

主胸膈痞塞。利關節。散結氣。化痰涎。逐水除濕。安胃寬腸。消脹滿宿食。去風痒麻痺。多用。

損胸中至高之氣。枳實卽其小者。氣味功

用俱同。但枳殼大而枳實小。大者性緩而舒。治高主氣。治在胸膈皮毛。小者性急而通。治下主血。治在心腹脾胃。亦猶陳皮。治上青皮。

治下之義也。

杏仁 味苦甘。性溫。有小毒。湯浸去皮尖。炒令黃色。研爛如泥用。雙仁者殺人。

主下氣定喘。散結潤燥。除肺經風寒咳嗽。消心下焦滿。痒痛。多食傷筋骨。

桃仁 味苦甘。氣平。無毒。行血連皮尖生用。潤燥去皮尖炒用。俱研爛如泥。雙仁者不可食。主一切瘀血。血閉血結。血燥血瘀。潤太腸通月水。殺小蟲。除卒暴擊血上心腹痛。

山查 味甘酸。氣微溫。無毒。色紅肉厚者佳。去

核用。

主健胃消食。行結氣滯血。除食積痰。催瘡疹。益小兒。又婦人產後兒枕痛。濃煎汁入砂糖服。立效。

大棗 味甘。氣平。無毒。去皮核用。

主平胃養脾。安中和百藥。助十二經。補少氣。少津液。身中不足。中滿。及牙痛。人忌服。

烏梅 味酸。性溫。無毒。肥澤不蠹者佳。去核用。主收肺氣。安心神。澀腸。止洩。止渴。安蟲。除便血。瘡痢。

枇杷葉 味苦氣平無毒。刷去毛。蜜炙用。不爾射人肺。主卒嘔。嘔不止。不欲食。下逆氣。治肺熱。久嗽。止渴疾。

龍眼肉 味甘氣平無毒。肥白而綠者佳。去核用。

主安神養血。補中歸脾。益智強魂。令人不忘。

穀部

粳米 味甘氣平無毒。杵令精白。去糠用。過熟則佳。

主平和五臟。補益脾胃。其功莫及。陳廩米。

卽多年倉廩中香黃者。主開胃氣。除煩渴。止洩。

糯米 味甘。氣溫。無毒。

主溫中益氣。止反胃。堅大便。杵頭糠。治卒

噎。

酒 味苦甘辛。氣大熱。有毒。大傷肺氣。助火生痰。不可多飲。過則傷神損壽。

主通血脈。禦霧露。敵風寒。養脾快肝。助藥力。行諸經。糟罾撲損瘀血。浸洗凍瘡。傳蛇蜂毒。醋 味酸。氣溫。無毒。陳者佳。

主歛咽瘡消癰腫散水氣破血癥

大麥芽 味甘鹹氣溫無毒炒去芒用

主補脾胃消食和中開痰寬脹亦行上焦滯
血除腹中寒痞然久食則消腎

飴糖 即餈糖 味甘性暖無毒

主健脾補胃大發濕中之熱凡嘔吐腹脹吐
虻者皆不可用若魚骨鯁誤吞針錢服之出

浮小麥 味甘鹹氣微寒無毒

止盜汗治大人小兒骨蒸肌熱婦人勞熱

神麩 味甘氣溫無毒其法六月六日用白麩

五觔赤小豆半觔杏仁五兩青蒿野蓼蒼耳
草各搗汁一碗北方河水一碗和勻爲餅懸
風處經年用。

主助真氣走胃化穀食健脾胃止瀉痢除心
腹結脹。

白藹豆 味甘氣平無毒。

主和脾胃消暑下氣治霍亂解一切毒。

淡豆豉 味苦氣寒無毒其法用大黑豆擇黑
而小者不拘多少煮爛撈起乘熱鋪在無風
處四圍上下用黃荆葉緊護之數日取開豆

上生黃衣已遍。取出晒一日。次日溫水洗過。或用紫蘇葉切碎和之。烈日曝十分乾。磁器收貯密封聽用。

主傷寒時疫瘴氣惡毒。寒熱躁煩滿悶。及發汗解表藥宜用之。生大豆味甘氣平。解諸

毒除胃中熱。

赤小豆 味辛甘酸氣溫。

主下水排癰腫膿血熱中消渴。止瀉利小便。解諸熱毒。其皮水浸脫去目中翳膜。

菜部

生薑。味辛。氣溫。無毒。生用發散。煨熟用和中。
主散風寒。溫脾胃。止吐利。消濕痰。療腹痛。通
關竅。辟邪惡。乃嘔家聖藥。多食耗氣發瘡。人
早行山行宜食。夜間勿食。俗言上床蘿蔔下
床薑。薑能開胃。蘿蔔消食也。皮消浮腫腹
脹。乾薑生辛。炮苦生。逐寒邪而發表。炮除
胃冷而守中。又能引血藥入血分。氣藥入氣
分。去惡養新。故血虛發熱。產後大熱。吐衄下
血不止者。並須炒黑用之。乃熱因熱用。從治
之法也。

葱白 味辛。氣溫。無毒。須連根鬚用。

主表散風寒。發汗通氣。管吹鹽入玉莖內。

治小便不通。莖葉搗爛烙熱傅打撲損傷。

冷卽再易。

蒜 味辛。氣溫。有小毒。

主消穀化肉。破冷氣。辟瘟疫瘴氣。及蠱毒。蛇
蟲諸毒。并中暑霍亂腹痛。久食傷肝損目。令
人面無顏色。

韭 味辛。氣溫。無毒。搗汁用。

主清胃口。血熱。下膈間氣滯。子。止精滑溺。

白。燒烟吸齒。去蟲。

人部

乳汁 味甘。氣平。無毒。

主補五臟。潤腸胃。令人肥白悅澤。養老尤宜。
點眼。止淚明目。療赤痛。

人溺 味鹹。氣寒。無毒。童子者佳。

主降火甚速。諸虛癆熱。久嗽上氣。撲損瘀血。
吐衄血暈。並宜用之。如產後。溫服一盃。下敗
血惡物。不致他病。初得頭風。飲之不輟。亦多
愈。人中白。降火散血。與溺同功。秋石益

肺補腎還人真元。

人屎 主天行火熱狂疾。解諸毒。糞清尤良。極

乾者次之。新者封丁腫。一日根爛。或燒灰醋

和如泥。傳之。乾即易。

紫河車 一名胞衣 味甘鹹。氣溫。無毒。童便浸半日。酒

醋洗淨。或蒸或炙。或酒煮用。

主一切虛損。顛癇。安心養血。滋陰益氣。補精

助元。

髮灰 一名血餘 取亂髮入瓶內。泥固。煨烟盡。為末用。

主消瘀止血。有補陰之功。又吹鼻止血。食中

誤吞髮繞喉。取自己髮灰。水調一錢服。

禽部

鷄

味甘。氣微溫。有五色者。黑鷄白首者。六指者。四頭者。鷄死足不伸者。並不可食。

主補虛羸最要。故食治方多用之。本屬巽。巽爲風。助肝邪。有風人不宜食。又屬土而有金。與木火。性補能助濕中之火。骨熱者不可食。病邪得之爲有助也。魚肉之類皆然。惟白毛舌黑烏骨者入藥。鷄屬木。而骨反黑。巽變坎也。受水木之精氣。故肝腎血分之病宜之。男

用雌。女用雄。婦人方科中有烏鷄丸。治婦人百病。煮鷄至爛。和藥。或並骨研用之。鷄子清。主煩渴。斂瘡口。婦人產難。胎衣不下。又塗眼。止目熱赤痛。煮熟。去白。取黃五六枚。用亂髮一團。鐵銚中煮。熬甚乾。少頃髮焦。乃有液出。旋取至碗中。以液盡爲度。燎小兒驚熱。又取塗孩子熱瘡。以苦參末糝之。冠血去乳難。療白癩風諸瘡。又縊死心下溫者。刺血滴口中。百蟲入耳。滴之即出。腸止遺溺。小便數不禁。尿白。下氣消積。利大小便。治蠱

脹。肝左翅毛起陰。

野者名雉。在禽上。應胃土而又食蟲蟻。故能補中。治蟻瘦。然野味雖貴。食之損多益少。九十一二月食之稍有補。餘月發五痔瘡疹。又一種微小於雉。走而且鳴。詩謂有集維鷖是也。其性大約與雉相似。

鴨。味甘冷。利小便。用青頭雄鴨治虛勞熱。烏

骨白鴨主補虛除熱和臟腑。頭療病水浮

腫。白鴨屎殺石藥毒。散蓄熱解結縛。療熱

毒痢爲末水調服。

野者各鳧。主補中益氣。平胃消食。治水腫。除熱毒。風殺十二種蟲。身上有小熱瘡。年久不愈。多食即瘥。又一種小者。名刀鴨。味最重。更補。九月至春前食之尤勝。一種名油鴨。味更佳。雀。大溫。無毒。壯陽益精。煖腰膝。冬月者良。妊娠忌食。卵。主下氣。男子陰痿不起。強之令熱。多精有子。腦。主耳聾。塗凍瘡立愈。頭血。主雀盲。鷄矇。雄雀屎。名白丁香。兩頭尖者。是五月取。研如粉。煎甘草湯浸一宿。乾用。療目熱赤痛。生弩肉。赤白膜。以初胎男乳和點。

即消塗癰癤立潰。

黃雀似雀而小。八九月羣飛田間。味更佳。其治病稍不及。

獸部

龍骨 味甘。氣平。微寒。無毒。五色具者佳。煨赤爲粉。水飛用。

主遺精夢泄。收盜汗。去脫固氣。瀉腸鎮驚。龍者東方之神。故其骨與角齒皆主肝病。肝藏魂。能變化。故魂遊不定者。治之以此。

虎骨 味辛。氣溫。無毒。酥炙。或酒炙用。

主辟惡止驚。風從虎。故治毒風。攣急走注。疼痛。虎至强悍。皆賴於脛。雖死猶屹立不仆。故補腰脊脚脛。

犀角尖。味苦鹹。氣寒。無毒。鎊屑紙裏懷中。研未用。

主上焦畜血。安心神。止吐衄。消斑疹。解百毒。鎮肝明目。療傷寒。瘟疫。煩悶。大熱。然屬陽性。走散。痘瘡。後用此散。餘毒。而血虛。或燥熱者。不宜用。

牛黃。味苦。氣平涼。有小毒。磨指尖透甲。置舌

上先苦後甘。清涼透心者真。

主清心利痰。安魂定魄。益肝膽。止驚癇熱發。狂瘵。大人中風失音。小兒百病。角尖主痰血疼痛。崩帶不止。膽及肝益目睛。乳治反胃噎膈。大便燥結。羊乳同功。

羚羊角 味鹹苦。氣寒。無毒。

主明目益氣。瀉心肺肝經之火。療傷寒時氣之熱。

殺羊角 安心益氣。明目解毒。止驚悸吐血。

脛骨。治牙齒踈豁疼痛。青羊肝膽。主清盲。

醫四書
藥性
明目。膽汁點目中。去障翳風淚。

鹿角膠 味鹹氣溫無毒。

主血虛生精有子。鹿茸主治相同。功力尤捷。

阿膠 味甘辛氣平無毒。蛤粉炒成珠用。

主養肝氣益肺金。定喘嗽。吐膿血。又主血痢下血崩帶。及胎產諸疾。

黃明膠 牛皮所作。其功用彷彿阿膠。性亦平補。故主諸血癰疽腫毒風濕走注疼痛。打撲湯火虛熱皆宜。

川山甲 味鹹氣微寒有毒。土炒黃脆用。

主邪瘡。通經下乳。及痔漏惡瘡癰腫。又酒漿調服。能發痘。

麝臍香 味辛氣溫無毒。

主通竅辟邪惡蠱毒。風癰。心腹痛脹墮胎。殺蛇蟲毒。

蟲魚部

五靈脂 味甘氣溫無毒。潤澤者佳。酒研去沙石用。

主心腹血氣刺痛。女子月閉。產婦血暈。但生

者行血。炒者止血。不能生血。

白蜜 味甘氣平。微溫。色白如脂者佳。

主安五臟。潤心肺。解煩渴。除衆病。和百藥。又爲蜜導。通大便。蠟主下痢。消癰瘡。

牡蠣 味酸氣平。無毒。醋煨用。

主膈下痞。鞭自汗盜汗。精濁淋帶。爲奠堅收斂之劑。

鱉甲 味鹹氣平。無毒。九肋者佳。去邊裙。醋炙

脆研用。

主勞瘵。除骨蒸。又治心腹癥瘕。堅積。肉益

氣補不足。忌葷菜同食。頭煑洗脫肛。

敗龜板 味甘。氣平。無毒。酥酒猪脂皆可炙。

主稟北方之氣。乃陰中至陰之物。故補陰有功。兼去瘀血。續筋骨。治虛勞。以性靈於物。亦用以補心。

白僵蚕 味鹹。氣平。白色而條直者佳。

主中風痰結。喉痺驚癇。又傳刀斧傷。封疔腫根。繅絲湯治消渴補陰。原蚕沙主風痺癢疹。癰緩不隨。

石部

石膏 味辛甘。氣大寒。無毒。軟白細膩者佳。火
煨用。

主消胃火。治胃熱不食。口臭。又治胃熱能食
善消。及傷寒時氣邪入陽明。頭痛如裂。肌肉
壯熱。大渴引飲。煩燥譫語。并中熱發熱。潮熱
白汗。又能清金制火。潤肺除三焦大熱。虛寒
人不可服。

滑石 味甘。性寒。無毒。白膩者佳。水飛用。青黑
者不宜。

主解煩渴。消暑熱。利小便。實大腑。化食毒。行

積滯。逐凝血。療石淋。補脾胃。降妄火之要藥也。

朴硝 味辛鹹。性大寒。有小毒。

主消六腑積聚。潤燥屎。破留血。墮胎孕。下頑痰。化諸石藥毒。推陳致新。利大小便不通。又有芒硝。焰硝。三者本一物。主治頗亦同。但朴硝力緊。芒硝次之。焰硝更緩。又風化硝尤緩。故治上焦心肺痰熱。而不泄利。

玄明粉 味辛甘。氣寒。其製法。以磁瓶疊朴硝二觔在內。炭十觔煨之。候沸定。以瓦片蓋瓶。

口。再以炭十五觔煨過。取出入甘草二兩爲末用。

主五臟宿滯。軟積開痰。大除胃熱。

水部

諸水 稟天一之氣。居五行之先。草木資以發生。黎民藉以養育。普天之下。惟水最多。味甘辛鹹淡白殊。性動靜緩急亦異。用烹藥餌各有所宜。長流水。與千里水。同取。歷科坎極多來遠流長之義。手足四末之疾。非此莫攻。順流水。直下無礙。利大小二便。逆流水迴。

瀾倒上吐上焦胸膈風痰。急流水峻急下
達去下體腿胯濕痛。井華水汲在早晨補
陰虛併清頭目。臘雪水甕貯掘地埋藏性
酷寒治春夏時行疫毒。新汲水井泉汲出
不傾缸甕者爲然養心神誠獲竒効。地漿
水是挖地坎以水沃中攪濁澄清取服惡毒
能解煩熱能毆楓上毒菌悞食笑不休者卽
安路中暑熱中之昏幾死者立効。
天下之水用之滅火則同濡槁則同至於性
從地變質與物遷未嘗同也故蜀江濯錦則

鮮濟源烹楮則臍南陽之潭漸於菊其人多
壽遼東之澗通於茂其人多髮晉之山產礬
石泉可愈沮戎之麓伏硫黃湯可浴癘楊子
宜薺淮菜宜醪食鹵能鹽阿井能膠燥垢以
汚茂田以苦瘦消於藻帶之波痰破於半夏
之泐米水嗽而霍亂息流水飲而瘧閉通雪
水洗目而赤退鹹水濯臍而瘡乾菜之爲藿
鐵之爲漿麩之爲酒蘖之爲醋干派萬種言
不可盡至于井之水一尚數名焉况其他乎
反酌而傾曰倒流出甃未放曰無根無時初

出曰新汲。將旦首汲曰井華。夫一井之水。而
功用不同。豈可烹煮之間。將行藥勢。獨不擇
夫水哉。昔有患小溲悶者。衆不能通。張子和
以長川之急流煎藥。一飲而立溲。此正靈樞
經治不瞑半夏湯用千里水同意。

